



10333

湖南文徵姓氏傳卷一

元七人

歐陽元字原功瀏陽人父龍生命從鄉先生張貫之學年十四益從宋故老學爲文延祐元年以尙書與貢明年成進士授岳州路平江州同知調太平路蕪湖縣尹改武岡縣尹召爲國子博士升國子監丞致和元年遷翰林待制兼國史院編修官明年初置奎章閣學士院又置藝文監隸焉文宗親署元爲藝文少監奉詔撰修經世大典檢校書籍事元統元年改遷太常禮儀院事拜翰林直學士編修四朝實錄俄兼國子祭酒召赴中都議事升侍講學士復兼國子祭酒重紀至元五年以足患風

湖南文徵

卷一

姓氏傳

一

痺乞歸不允拜翰林學士復懇辭去位不允免其行朝賀禮至正改元更張朝政有不便者元極言無隱科目之復沮者尤眾元力爭之未幾南歸復起爲翰林學士以病未行詔修遼金宋三史召爲總裁官發凡舉例論贊表奏皆元屬筆五年擬超拜翰林學士承旨已而乞致政不允御史臺奏除福建廉訪使行次湖西疾復作乃休歸南山隱居復拜翰林學士承旨元累力辭不獲命乃起奉敕定國律尋乞致仕陳情懇切乃特授湖南行中書省右丞致仕給俸終身臨行復降旨不允仍前官進階光祿大夫十四年汝穎盜起元獻招捕之策千餘言時不能用十七年乞致仕不允是年十二月戊戌卒年八十五贈崇仁昭

德推忠守正功臣大司徒柱國追封楚國公諡曰文公事蹟見

元叟本傳有圭齋集

沅湘耆舊集前編錄詩一百六首今錄文二十二篇

四庫全書總目提要圭齋集一十六卷凡高文典冊多出其

手孔齊至正直記曰歐陽元侂文必詢其實事而書未嘗代

世俗誇誕時人謂文法不及虞集揭奚斯黃潛而事實不妄

則過之然宋濂稱其文如雷電恍惚雨雹交下可怖可愕及

乎雲散雨止長空萬里一碧如洗實亦未減於三人也虞集

有送元謁告還瀏陽詩曰憶昔先君蚤識賢手封製佗動成

編交游有道真三益翰墨同朝又十年蓋集父教授於潭州

見元文大驚手封一帙寄集曰他日當與汝並駕齊驅故集

湖南文徵

卷一

姓氏傳

二

詩云然則元發軔之初聲價已與集相亞矣顧嗣立元詩

選傳略原功生十歲有黃冠者見之曰是兒神氣凝遠目光

射人當以文章冠世延祐乙卯以鄉貢首薦登進士第累官

翰林學士承旨乞休不允竟以中原始稷卒於大都寓舍

羅辰龍衡山人

採文一篇凡有本集者曰錄無集者曰採後倣此

案據所佗書瀘谿儒學碑陰稱延祐丁巳衡山羅辰龍敬書

知爲衡山人而衡山縣志不載其名玩文意似官瀘谿儒學

或縣令也

李祁字一初別號希遠茶陵人元元統元年進士除應奉翰林

文字以母老就養江南改授婺源州同知遷江浙儒學副提舉

母憂解職遂歸隱雲陽山中後復避地永新明兵入永新儒衣冠僵仆道左總制新安俞茂遣人昇歸辟正舍禮之自號危行翁不二心老人又稱望八老人洪武初詔徵舊儒不起年七十卒有雲陽集沅湘集存詩七十五首今從府志錄文一篇本集十八篇

四庫書目提要元制以漢人南人爲左榜蒙古色目人爲右榜。祁爲左榜第二人。其右榜第二人余闕也。後闕死節而祁獨轉側兵戈間嘗爲闕序青陽集以不得乘一障效死爲憾。蓋與闕雖出處稍殊死生各異而大節如一。昔宋理宗寶祐四年榜得文天祥爲狀元。又得陸秀夫謝枋得二人是榜得李黼爲狀元。而又得祁與闕二人。黼不愧文天祥。闕不愧陸

湖南文徵

卷一

姓氏傳

三

秀夫而祁亦不愧謝枋得。是二榜者後先輝映亦可云科第之盛事矣。案湖南通志佗泰定四年進士殆本諸四庫提要。而劉公三吾跋詩後云。公登元統癸酉李齊榜進士第。始考官讀其廷試策擬甲是科。啟緘乃南士。遂改次李齊。公宴會齊病。上表謝恩。則先生也。又先生詩中小序及序青陽集皆云元統初元賜第一甲進士。廷心得右榜。余忝左榜云云。廷心謂余闕也。文正公東陽爲先生五世從孫所佗戊戌七府君墓表亦言公元統初進士。則先生所同登第者爲元統癸酉榜之李齊。非泰定辛卯榜之李黼也。說見沅湘耆舊傳。

馮子振攸州人一佗湘鄉人自號海粟老人。事元爲承事郎集

賢待制有海粟集未見。沅湘耆舊集前編錄詩八十一首今採文一篇

元史陳孚傳子振於天下之書無所不記當其為文酒酣耳熱命侍史二三人潤筆以跋據案疾書隨紙多少頃刻輒盡嘗著居庸關賦首尾幾五千言閱衍鉅麗時爭購而寶之陳孚於子振極畏敬之嘗以為不可及案陳孚字剛中天台人又案十八公賦四千餘言今見沅湘耆舊集前編附錄因採獲稍後不及補錄又詩題小序數則亦不及錄

黃師郊字闕興甯人父雷孫元至治辛酉進士永州府教授師郊幼穎異以神童稱至正辛巳領湖廣鄉薦第一甲午舉禮部復冠多士年三十一未仕卒方志存賦二篇今錄一篇

湖南文徵 **卷一** 姓氏傳 **四**

蕭元益字楚材攸人元統二年舉鄉薦著四書演義洙泗大成字訓八志諸集未見今採文一篇

案安仁縣志元益邑之坊廂人舊志稱其好古博學著書行世國朝舉人周惠錚遇著錄內引詹氏道傳論語注一條稱元益編洙泗大成集做史記例升孔子於本紀自沂國述聖公至衍聖公以下仝世家自竟國復聖公顏子至元儒許文正公衡皆為列傳竝費又以六經孔子之言仝字訓又仝八志典核詳明為從前所未有云云則是集世猶有傳本其四書衍義編已佚據此則元益為安仁人攸志但據郡志而未察其譌也

劉性俟考探記一篇

明一百八十七人

甘鏞字以馨湘陰人。洪武初以學行薦入國子監授休甯縣丞。以隄堰事去官。父老四十餘人詣闕申訴。太祖賞勞除西平知縣。尋拜北京監察御史。永樂初巡按廣東。招撫諸崗黎人有威績。卒於官。有慎獨齋集。未見。沉湘集存詩二首。今採文六篇。

彭友信字以實攸人。洪武初以歲貢廷試至京都。奏對稱旨。命為北平布政使。沉湘集存詩三十首。今採小序一篇。

攸志洪武二十四年秋七月上微行口占虹霓詩云。誰把青

湖南文徵

卷一

姓氏傳

五

紅線兩條和雲和雨繫天腰。友信應聲曰。玉皇昨夜鑾輿出。萬里長空駕彩橋。上大悅。命翌辰候於竹橋。同入朝。信候久不至。遂失朝。上召問故。具以實對。上曰。此秀才。有學。有行。命為北平布政使。亦見姓譜。

劉三吾名如孫。以字行。茶陵人。仕元為廣西儒學副提舉。洪武十八年召為左贊善。遷翰林學士。著有坦齋集。沉湘集存詩五十一首。今錄文十九篇。

明史本傳。三吾遷官時年七十三矣。博學善屬文。所撰著皆稱帝意。與汪叡朱善稱三老。為人慷慨不立城府。自號坦坦翁。至臨大節屹乎不可奪。三十年主考會試。榜發太和宋琮

第一北士無預者。諸生上言三吾南人私其鄉。帝怒三吾及琮皆遣戍。建文初召還。永樂中奉詔修春秋大全。未幾卒。者舊傳所著有瑯署春坊北園知非化鶴正氣等集。桐江余蓋知茶陵。合爲坦齋集。今刊行本十五卷。坦翁兄弟子姪一門死元難者凡五人。翁獨以文學顯於明。然諸家紀載有謂其以罪死於洪武者。有謂洪武時舉會試以多中南人坐罪戍邊。四庫全書目錄謂集中有敕下御製大明一統賦。在建文時撰。可爲諸譌傳之證。今案詩集中得告致仕過長沙詩。結語云。八十還家能有幾。當時畫錦亦堪誇。知其以老壽終。諸家所記皆不確矣。

湖南文徵

卷一

姓氏傳

六

彭九思字

人洪武二十六年任興甯教諭。

探記一篇

夏原吉字惟喆。湘陰人。洪武二十三年鄉薦。累官戶部尙書。加少保太子少傅。贈太師諡忠靖。明史有傳。著有謙謙齋集。沅湘集存

詩二十六首
今錄文九篇

者舊傳忠靖蚤孤力學。初以鄉薦游太學。選入禁中書制誥。諸生或喧笑。公危坐儼然。太祖訶而異之。擢戶部主事。建文初升戶部右侍郎。靖難後。晉尙書。以諫北征繫獄。仁宗卽位。復戶部尙書。公歷事四朝。功在社稷。澤被生民。史稱其雅量寬洪。今讀其詩和平悅懌。可以覘所蘊矣。四庫全書提要原吉詩文集六卷。載明史藝文志後附遺事一卷。前有楊溥

序稱其詩文平實雅淡不事華靡。攷原吉以政事著不以文章著。然致用之言疏通暢達。猶有淳實之遺風。金德嘉忠靖遺集序略。自來蹇夏竝稱。蹇善謀夏公善斷。兩公事詳國史。今就夏公言其大者。永樂十九年議遷都利害。得公一言。言官大臣盡釋不問。宣德九年漢庶人反。公力贊親征。罪人斯得。夫一言壽主怒而國體以存。一謀定帷幄而國威以振。其功如此。卽古大臣何以加焉。

李思聰字仲謀桂陽州人。洪武二十七年進士。授行人。晉江西右參議。食二品俸卒於官。沅湘集存詩一首。今採文一篇。

者舊傳緬甸遣使來訴百蠻侵其境。太祖命行人齎詔往諭。

湖南文徵

卷一

姓氏傳

七

百酋思倫發與蠻等恐懼謝罪。願各罷兵。適部酋刀幹孟叛。行人以朝廷威德諭其部眾。叛者咸服。思倫發欲倚使者威制服其下。強畱行人多致象馬金寶爲賂。行人佯詩諭卻之。且謂中國不以金玉爲寶。所寶者惟忠臣烈士。宜速送使者。還以明爾國忠順之志。思倫發大喜。設宴爲樂。率所部衛之出境。還朝具奏其事。并紀所見山川人物風俗道路之詳。以進賜衣一襲。晉右參議。

鄺埜字孟質號樸齋。宜章人。永樂九年進士。授監察御史。擢陝西按察副使。累官兵部尙書。死土木之難。謚忠肅。贈少保。明史

有傳。沅湘集存詩一首。今採碑記一篇。

耆舊傳忠肅性至孝。父子輔爲句容教官。教公甚嚴。公在陝思一見父。乃謀聘爲鄉試同考官。太公怒曰。子爲憲司。父爲考官。何以防閑。馳書責之。又常市一榻寄至句容。太公封還責之曰。何從得此。乃以污我。公跪誦泣受教也。先入犯。王振主親征。公上書力爭。旣扈駕。力請回鑾。墜馬幾殆。或勸畱懷來城就醫。公曰。至尊在行。敢託疾自便乎。遂及於難。其果毅如此。

賀宗字敬祖。湘鄉人。宣德五年進士官大理評事。採疏一篇

楚紀湘鄉稅重而田多被水。民苦役輸宗疏請減十之一。正

統閒浙寇葉宗畱叛。宗畫策討之。上命同尙書石璞往蒞其

湖南文徵

卷一

姓氏傳

八

事寇遂平。

朱英字時傑。號誠庵。桂陽人。正統十年進士。授兵部主事。擢浙

江道監察御史。以爭易儲出爲廣東參議。久之。晉右參政。遭母

憂。成化初。補原官。歷陝西布政使。旋以右副都御史巡撫甘肅。

已遷兩廣總督。會交廣侵老撾。朝議致討。英言兵不可輕用。交

廣人皆德之。居十年。召爲左都御史。加太子少保。卒。贈太子太

保。諡恭簡。明史有傳。著有滄庵遺藁。認眞子集。沅湘集存詩六首。今錄文四篇。

耆舊傳。公少孤。力學。器量宏曠。才識通敏。文武兼資。初授御

史。時卽撫定浙閩羣盜。葉宗畱黨。官廣東參議。十年屢破滅。

羣盜。羅劉甯等。巡撫甘肅。先後陳安邊二十八事。皆切時務。

兩廣自韓雍大征以來。諸將張功邀賞。自奉恢廓。公至攜一老蒼頭。鎮以甯靜。戒將士毋輕動。招撫猺獞。定爲編戶。給復三年。由是歸垆日眾。凡增戶四萬三千有奇。口十五萬有奇。性廉慎。初官廣東時。過家省母。囊中惟賜金十兩。在甘肅積軍儲三十萬兩。兩廣四十餘萬兩。皆不以間。或問之。荅曰。此邊臣常分。人服其知大體。所至敬禮賢士。其薦起陳白沙先生。尤爲得人云。案恭簡弟海進士官僉事。子守孚進士官郎中海子守恕進士官御史終僉事。

劉顯字揚之。新化人。景泰五年進士。累官戶部郎中。長蘆都轉。

運使。著有獨山草堂集。未見。沅湘集存詩一首。今探文一篇。

湖南文徵 卷一 姓氏傳 九

黎涓字太樸。別號樸庵。華容人。天順元年進士。第一授修撰。預修大明一統志。純皇帝卽位。充經筵講官。成化丙戌。升左春坊左諭德。修睿皇帝實錄。成。升左庶子。修資治通鑑綱目。成。升詹事。戊戌。升吏部左侍郎。佐銓選。九載。改南京。吏部侍郎。宏治丁未。升南京工部尙書。已改禮部。辛亥。以疾乞致仕。歸。詔進一品階。榮祿大夫。尋卒。賜祭葬。如禮。諡文僖。著有龍峯集。沅湘集存詩三首。今錄文八篇。

華容志。涓佐銓選。請屬不行。惡選人稱貸。恣貪黷。間輒手錄。卽廢黜之。性耿介。端毅重倫。紀尙節儉。兄溶蚤沒。撫其孤民。獻及女。如己出。居吏部時。有鄉人官華亭令。遺以紅雲布。涓

卻之題其緘曰古之爲令植桑種麻今之爲令織錦添花子民安幼就外塾吏以閩扇贈之涓立呼吏持牒領去子民牧成化丁酉進士南康知府民表庚子進士廣西左布政使咸介潔遵其訓涓甲午主順天試得一卷奇之置首選及閱後二場大不稱亟下所司稽覈果得謄錄轉換狀窮治之遂改正及榜出則名士馬申錫也其精覈又如此

程萬里字致遠號素軒華容人天順八年進士授吏科給事中遷左給事進都給事中通政使右參議進左通政陞戶部右侍郎轉左侍郎致仕歸卒著有閒山集未見

採文一篇

案華容志萬里先世本江州義門之陳洪武初自荆徙華夏

湖南文徵

卷一

姓氏傳

十

今姓成化四年議慈懿皇太后葬所萬里密啟大學士彭時禮部尙書姚夔力主梓宮當合葬裕陵神主當附廟同伏文華殿號哭不起聲聞於內上感動周后亦悟得如議萬里身長八尺面如滿月上奇其狀貌一時有聲洪十里貌壓兩京之譽云

洪性字萬善號漕谿攸人天順八年進士由刑部累官山西道監察御史福建巡按江西按察使副使

採文一篇

案攸志載有李文正公東陽撰傳

夏瑄字韞輝湘陰人忠靖公原吉子以父蔭歷官尙寶司司丞

南太常寺少卿

沅湘集存詩二首今採文三篇

耆舊傳仁宗嘗顧問忠靖欲以近侍官其子忠靖對曰臣子幼穉非倉祿時宣德五年忠靖薨宣廟震悼即日遣中書致命於家拜瑄尚寶司司丞時年方十三入謝進退有度特賜冠帶衣服正統初滇夷逆命上疏乞立功自効不得八年命視尚寶司事以母老乞侍養還鄉母愈乃就職時四方多故上疏呈七事詔亟行之土木之變憂憤陳四事又陳三事當事卒不能用久之以母老乞就養金陵命掌南京尚寶司事成化初晉南京太常寺卿卒前五日猶力疾上疏請諭皇太子預知民事艱難命其子崇文上之案崇文成化甲戌進士授南京吏部主事有異材多建白累官至通政使見楚寶

湖南文徵

卷一

姓氏傳

十一

李東陽字賓之茶陵人天順八年進士改庶吉士授編修累遷侍讀學士充東宮講讀官憲宗寶錄成由左庶子遷侍讀學士遷太常少卿擢禮部右侍郎兼侍讀學士入內閣專典誥敕尋以本官直文淵閣參與機務久之進太子少保禮部尚書兼文淵閣大學士屢加少傅兼太子太傅乞休四年卒年七十贈太師諡文正明史有傳著有懷麓堂全集一百卷沅湘集存詩二百九十七首今

錄文一百三十九篇

耆舊傳文正以成籍生長燕京四歲能作徑尺書景帝召試之甚喜抱置剡上賜果鈔後兩召講尚書大義稱旨命入京學成進士時年未十八也公慧悟夙成風神娟秀立朝五十

年歷相兩朝受顧命當八黨煽亂羣賢去國之時獨以一身周旋始終扶危定傾保全善類誅鋤大憝有補天浴日之功天下陰受其庇而不知詩文流播四夷照耀天壤文章相業竝垂不朽有明一代宰輔中一人而已小人好議論不諒其心不求其本末轉以不忤瑾不同劉謝竝去爲隱忍遷就且併其詩文與所取之門下士詆之至李臨川彭茶陵諸公出反復辯論近日法式善祭酒以居近西涯修復畏吾邨祠墓佖公年譜四卷歲以公生日同京朝展謁修祀事而大興朱文正公實倡首至於上徹天聽權衡聖心公道大彰萬世論定乃猶有撼樹之蚍蜉襲陳說以曲護其先世者亦徒可笑不自量而已

湖南文徵

卷一

姓氏傳

三

劉大夏字時雍華容人年二十舉鄉試第一天順八年進士選庶吉士成化初自請試吏乃除職方主事再遷郎中累官兵部尚書正德初加太子太保致仕旋戍肅州赦歸復官致仕卒年八十一贈太保諡忠宣明史有傳

沅湘集存詩七首今採文十八篇

耆舊傳忠宣剛方鯁亮練習時事而恬素沖退如寒士宏治中曾三疏移疾歸築草堂東山下天下稱爲東山先生逆瑾竊柄惡公劉宇與焦芳譖之欲籍其家三年九月假田州岑猛事逮繫詔獄欲坐以激變律死都御史屠滹持不可李東陽爲婉解瑾亦誦大夏家貧乃坐戍肅州年已七十三布

衣徒步過大明門下叩頭而去。觀者歎息泣下。其被逮也。方鋤菜園中。入室攜數百錢。跨小驢就道。赦歸。有門下生爲顯官者。枉百里謁之。道遇扶犁者。引之登堂。卽公也。事載本傳。其孤介如此。昔人稱公明識治體。如賈太傅。通達國事。如陸敬輿。質直不阿。如汲長孺。廉潔不枉。如包希仁。忠誠懇切。如司馬君實。數語足以盡公矣。案公文僅方志存記二篇。茲從皇明經世文編中錄奏疏十六篇。皇明文編罕見之書也。謝文祥字元吉。耒陽人。成化二年進士。改庶吉士。授御史。謫南陵縣丞。採疏二篇

一統志文祥以數上封事。指斥時政。被謫。李東陽劉大夏陳

獻章俱壯其節。贈以詩。年三十七。卽掛冠歸。

湖南文徵 卷一 姓氏傳 三

楊一清字應甯。號邃庵。本雲南安甯人。父景以化州同知致仕。攜之居巴陵。遂爲巴陵人。八歲岳州守吳節以奇童薦爲翰林秀才。憲宗命內閣擇師教之。年十四舉鄉試。登成化八年進士。授中書舍人。久之遷山西按察僉事。以副使督學陝西。入爲太常寺卿。宏治十五年擢左副都御史。督理陝西馬政。十七年河套告急。命巡撫陝西總制三鎮軍務。尋進右都御史。歷戶部尚書。入直內閣。晉少師兼太子太師。吏部尚書。華蓋殿大學士。卒。贈太保。諡文襄。著有石淙集。未見。明史有傳。沅湘集存詩三十首。今從皇明經世

耆舊傳公生而隱宮。貌寢性警敏。博學善權變。好談經濟大略。在陝西久邊事甚悉。以建修邊議忤劉瑾。下錦衣獄。涯翁力救得免。本傳云大學士李東陽王整力救得免。致仕歸。安化王寘鐸反。詔起

公總制軍務。內結監軍張永。因爲畫策誅瑾。遂賴其力以除大慝。性闊大愛樂賢士大夫。凡爲瑾所構陷者。率見甄錄。會構之者因公陳災異。譏切近倖。遂使優人於帝前爲蜚語刺公。乃力請乞骸骨歸。世宗爲世子時。獻王嘗曰。楚有三傑。謂公與涯翁及劉東山也。心識之。及卽位起復總制三邊軍務。晚爲張璫桂萼所軋。落職閒居。大憾曰。老矣乃爲孺子所賣。疽發背卒。遺疏言身被污讒死且不瞑。尋復故官。

湖南文徵

卷一

姓氏傳

古

鄧庠字宗周。宜春人。成化八年進士。授行人。擢御史。巡按陝西。遷河南副使。歷升都察院右副都御史。巡撫河南。晉戶部右侍郎。乞歸。再起左都御史。巡撫蘇松。終南戶部尚書。著有東谿草堂集。未見。沅湘集存詩五十一首。今採疏傳二篇。

耆舊傳公立身清簡。居官有風節。爲行人時。屢使諸藩。饋遺一無所受。初官御史。上勤聖學正紀綱。容直言。明賞罰。親大臣遠姦佞。察民隱。節財用。八事皆見嘉納。巡按陝西。錄囚多所平反。貴州都勻苗爲患。命公往勘。廉得苗人爭地讐殺狀。單騎詣賊巢。招其酋長。長脚別豹等。宣布德意。諭以禍福。盡降其眾。巡撫河南。疏糾鎮守監廖堂。廖鵬兄弟交結逆瑾。糾

合姦民朱文案董鑑作諸不法事爲民害堂逮捕文案等伏
法流賊攻劫曹縣梁靖口公督軍三路攻勦生擒賊首朱柱
奪回被擄難民巡視汴城見西關單薄乃輟祥符修河夫二
萬名卽汴西挑塹添築外城溪廣各二丈延袤十五里分爲
三門踰月工完賊不敢近楊文襄得公汴中封事歎服不已
旣而遺書戒公謂自古衣冠之禍皆每成於激前事之鑒甚
明公不爲動也公文章經濟同符恭簡接武忠肅與文襄同
年交好明叟未爲立傳今從東谿集中採輯公詩而并摭拾
公門人石少保珞所爲傳述其梗槩如此

嚴永濬字宗哲華容人成化十四年進士授戶部主事擢郎中

湖南文徵

卷一

姓氏傳

五

出守西安府升浙江右參政卒於官箸有兩山集未見

沅湘集
存詩一

首今採
序一篇

一統志永濬督餉宣大陝西大饑奏蠲稅四十萬接濟邊儲
全活數萬人守西安以禮化導俗漸循謹文案立剖庭無宿
牘先是西安歲織絨服進用中官橫取百姓苦之永濬疏論
其害不報者舊傳參政性忼直三原王端毅公薦守本郡
在郡久嘗萃三學生講論拓書院居之康對山王九思之徒
皆由此出故參政名當宏治時甚著元裕之中州集其所刊
訂序行也參政蚤有詩名與李文正楊文襄並稱

羅鑒字緝熙號湘川茶陵人成化十四年進士授南京刑科給

事中轉戶科擢廣東參議歷四川布政遷左副都御史督蘇松糧儲忤劉瑾罷歸瑾敗起巡撫蘇松尋致政里居三十餘年始卒沅湘集存詩一首今採記序二篇

者舊傳茶陵羅氏自斷事汶以慈惠著稱一傳爲素履翁懋再傳爲戶部郎中琥三傳至湘川世以文學政事顯湘川居諫垣有直聲所上封事皆切時弊晚歲家居結願樂亭作左右銘以自警年九十猶能鐙下寫細字與人處雖童賤必禮下之蓋溫溫抑戒之君子也案張文毅公治有願樂亭序今載編中

羅安字時泰號南洲益陽人成化十四年進士授戶部主事累湖南文徵

卷一

姓氏傳

六

官山東僉事四川副使江西按察使改貴州參政

沅湘集存詩一首今採疏

記二篇

者舊傳公威望素著蠻酋安鼉者虐使其下懼公賂以金公怒弗受卒誅之邊境以靖又疏罷中使採玉蜀地瀘人爲立生祠嘗謂宸濠曰敵器圖殿下宜時時觀之乃享國長久之道甯藩校尉虐民公痛懲以法改貴州參政以普安用兵督餉功賜金幣詳見楚紀子允凱嘉靖改元舉人累官鬱林州知州少以聖賢自期許性篤孝父愛養二鶴沒後聞鶴唳則仰天而哭初令饒平饒人立祠祀之後寇陷饒見凱祠泣拜戒勿犯其感人如此

彭瀛。潯浦人。成化十六年歲貢。官會同知縣。調巫山知縣。採記一篇

黃寶。字廷用。號東岡。長沙人。成化十七年進士。授吏部郎典選事。歷太常卿。擢都御史。巡撫陝西。以忤劉瑾罷歸。瑾敗。復起。巡撫雲南。移疾歸。有東岡集。未見。沅湘集存詩一首。今採文三篇。

一統志寶撫陝時。潼關大饑。城堡多圯。寶肅紀律。清壘壘。儲饋餉。謹烽燧。秦地以甯。

曹佺。字存之。永興人。大理少卿。漣子。成化十七年進士。授南京

大理評事。擢雲南僉事。以疾致仕。採疏一篇

袁經。字大倫。甯鄉人。宏治三年進士。授西安府推官。擢御史。巡

按兩淮。歷山東僉事。陝西副使。巡撫遼東。卒於官。採記一篇

湖南文徵 卷一 姓氏傳 七

舊志經以不阿劉瑾。罰米十石。瑾敗。始升陝西副使。經氣和

貌。莊終始廉介。宦游三十年。人無間言。

彭澤。字濟物。湘陰人。明史作蘭州人。題名碑作蘭州籍。長沙人。宏治三年進士。授工

部主事。歷刑部郎中。出知徽州府。父喪歸。正德初。起知真定。遷

浙江副使。歷河南按察使。擢右僉都御史。巡撫遼右。進副都御

史。改保定。未赴。討河南賊平。錄功。進右都御史。太子少保。尋總

督川陝諸軍。討四川賊。進左都御史。太子太保。土魯番叛。澤往

經略。旋督三邊軍務。兵罷。乞骸骨。歸。馳驛給夫廩。如制。以追論

嘉峪之敗。斥為民。世宗入繼。即家起為兵部尚書。太子太保。以

劾御史。吏道眾交章劾之。復奪官為民。卒於家。隆慶初。復官。諡

襄毅沅湘集存詩一首今採文十篇

明史澤官刑部勢豪殺人澤寘之辟中貴爲祈免不聽知眞定。闖人數撓禁。澤治一棺於廳事以死怵之。其人不取。逞所至以威猛稱。卒後總制尙書唐龍上言澤孝友廉直。先後討平羣盜。功在盟府。陛下起之田閒。俾掌邦政。澤仔仔奉國。復爲讒言搆罷。今沒已五年。所遺二妾衣食不給。請覈澤往勞。復官加卹。以作忠臣之氣。不報。者舊傳公體幹修偉。腰帶十二圍。大聲音與人語若叱咤。久歷戎行。雖嘉峪之敗。爲言者所劾。然討平羣盜之功。不可沒也。

何孟春字子元。郴州人。雲南提學僉事俊之孫。刑部郎中。說之。
湖南文徵

卷一

姓氏傳

六

子俊說皆舉進士。舊志有傳。孟春少游李東陽之門。舉宏治六年進士。東陽異其才。擬入史館。以父憂罷。服闋授兵部主事。歷郎中。出補河南參政。入爲太僕卿。以僉都御史巡撫雲南。世宗卽位。召爲吏部右侍郎。進左侍郎。署尙書事。以議大禮。左遷南京工部左侍郎。屢疏引疾。至六年春始得請。及明倫大典成削其籍。久之卒於家。隆慶初贈禮部尙書諡文簡。沅湘集存詩七十三首今錄文

四十
三篇

明史詔修萬歲山毓秀亭乾清宮西室役軍九千人計費百餘萬。孟春抗疏極諫。清甯宮災陳八事疏萬餘言。出理陝西馬政條目畢張。還上釐弊五事。竝劾撫臣不職。正德初駕幸

宣府馳疏諫。撫雲南討平十八寨叛蠻。阿復阿等奏設永昌府。增五土司五守禦所。錄功廕一子辭不受。蘇松諸府旱潦相繼。而江南北河水大溢。孟春效漢魏相條奏八事。帝嘉納焉。先是大禮議起。孟春在雲南上疏論。及官吏部三上疏。皆不省。孟春偕九卿奏金等上疏。發十三難。以辨折張璁桂萼。疏入。畱中會朝方罷。孟春倡言憲宗朝百官哭文華門。爭慈懿皇太后葬禮。此國朝故事也。於是九卿等俱跪伏左順門。自辰至午。凡再傳諭不起。帝大怒。遣錦衣執爲首者下詔獄。修撰楊慎。王元正。乃撼門大哭。眾皆哭。警震闕廷。帝益怒。命收繫四品以下官若干人。而令孟春等待罪。翼日責孟春倡

湖南文徵

卷一

姓氏傳

九

眾逞忿。非大臣事君之道。法宐從重。姑從輕。奪俸一月。旋出爲南京工部左侍郎。孟春所居有泉。用燕去來時盈涸得名。遂稱燕泉先生云。耆舊傳公形貌清癯。風采巖峻。學識宏深。居恆鞠鞠若無能。臨事奮不顧身。昔人謂公忠亮出自天性。

李永敷字貽教。永興人。宏治九年進士。歷官兵部郎中。有鶴山

集石屏文彙未見。

沅湘集存詩四首。今採記一篇。

舊志永敷幼稱奇童。與王守仁李夢陽友善。以忤劉瑾罷歸。置義田課子弟著書終老。耆舊傳陽明有同貽教對菊聯句序。稱其鬱然憂淡峭然情隱。飄然有煙霞林壑之想。

李如圭字國寶澧州人宏治十二年進士授江西安福知縣調建昌行取御史巡按福建遷廣西兵備參議擢僉都御史巡撫延綏總理河道入爲戶部侍郎總督倉場進工部尙書改戶部致仕歸

沉湘集存詩二首今採文一篇

舊志如圭祖通永樂庚子鄉舉授保甯訓導改成都舊例內外官年四十以下得以才望補臺省通以學優行潔書上考而牒內齒數正與例符將以應選通曰吾年實過於牒縱得美官實滋媿卽赴部自陳尙書嘉歎之遂以常格歷慶都上高教諭年七十擬赴京乞休或勸其移疾免赴通曰柰何無疾而欺君卒赴焉以如圭貴贈右都御史耆舊傳尙書學

湖南文徵

卷一

姓氏傳

三

期用世所至釐剔姦弊撫延綏時值大饑用夏文愍薦陳荒政十餘條得便宜行事全活數十萬人在河道時易置開座引諸湖水益河流糧運乃便有懷古集未見

謝訥字尙敏末陽人御史文祥子宏治十八年進士授戶科給事中遷刑科給事中

採疏二篇

舊志訥奉敕稽兩廣糧儲人不敢干以私值逆瑾專恣糾合言路首發大奸武宗嘉其直瑾誅擢工科都給事道卒

胥文相字士衡巴陵人宏治十八年進士授章浦知縣遷南京戶部郎中出爲汀州知府再補柳州有品泉毫未見

沉湘集存詩一首今

採記

一篇

甯欽字宗堯衡陽人正德二年舉人累官御史

採疏一篇

一統志武宗南巡抗疏力請回鑾又奏革吉府魚稅定遞馬之制減帶徵之數郡人德之

龍誥字孔錫攸人正德三年進士授臨川知縣遷戶部主事歷

郎中出守廬州累遷廣西參政以病歸有東洲文集未見

沉湘集序

詩一首今採疏三篇

一統志誥初知臨川縣值東鄉多盜詣賊壘諭降之督賦江

西疏免逋累出守廬州歲饑出賑疏罷馬價茶牙諸稅著常

平濟糶諸法著爲令攸輿詩鈔引江南通志名宦傳云嘉

靖癸酉大旱誥開廩設粥平糶營建惠民倉鎮淮樓精力役

湖南文徵

卷一

姓氏傳

三

以給食所活數萬人道死者設義冢瘞之明史世宗本紀嘉靖四年夏五月甲戌賜廬州知府龍誥官秩詔天下倣誥備荒賑濟法殆卽江南通志所言者是已

楊文明未陽人正德五年舉人官直隸大名府別駕

採記一篇

范永鑾字汝和號蘇山桂陽人布政使輅從子正德九年進士

授江西貴谿知縣擢浙江道御史巡視長蘆鹽政巡按四川遷

福建按察副使改陝西兵備副使河南按察使四川右布政使

沉湘集存詩一首今採記一篇

舊志永鑾知貴谿浚北鄉河築南鄉陂民免水旱憂劉瑾歲

派雜徵宸濠歲取茶牙永鑾皆裁抑之以桂陽僻邑書賈罕

至購春秋諸傳兩漢書朱子大全大事記等書二十種儲學以備諸生觀覽。耆舊傳桂陽范氏自君山按察淵以載布政輅同時并起皆以忤逆瑾叛濠被逮左遷天下賢之。蘇山所至有聲著有燕射古禮仁愛錄律例解諸書邊廷實有寄范蘇山詩云君山久歸地下燕泉夏在天南落落故人如此蕭蕭短髮何堪。廊廟江湖身世後先憂樂心情本是仲淹孫子往來中外知名其見重於時如此。

徐一鳴醴陵人員外郎廷用子。正德十二年進士授禮部主事。遷吏部驗封司郎中出爲江西提學。謫松江同知旋乞歸擢刑部郎中不起。有滌江集。沅湘集存詩十二首今採序記二篇

湖南文徵

卷一

姓氏傳

三

案舊志一鳴與爭大禮峻拒權要請託在江西以毀淫祠忤璫故屢有遷謫尙有奏疏一篇以後獲不及錄。

熊宇字元性善化人。正德十二年進士授行人。嘉靖八年以御史出知松江府。採記一篇

舊志引江南通志宇去煩剔蠹與民休息直指至鄰郡約宇不堂參他守多不從宇獨如約直指噴之遂被劾歸。

劉黻字伯繡衡陽人。正德十二年進士授行人。改南京國子監

學正復以御史按蜀未幾疏請終養。採序一篇

案舊志武宗南巡黻上疏切諫受杖改學正。世宗繼統復授

御史按蜀以終養歸

張治字文邦茶陵人。正德十五年會試第一。明年嘉靖改元。改庶吉士。五年授編修。歷左右春坊左諭德。翰林學士。擢南吏部右侍郎。召改吏部左侍郎兼學士。掌院事。拜南吏部尚書。改禮部尚書。兼文淵閣大學士。入閣與機務。加太子少保。諡文毅。著有龍湖集。沅湘集存詩一百十首。今錄文二十九篇。

耆舊傳。公通籍後。值張桂用事。不樂就職。家居十三年而後起。既登朝。銳然以辨邪正。明黜陟爲大務。汲引善類。如不及。尋典台旌預機務。時承平日久。中外恬熙。會三邊有警。公憤言於朝曰。今師老民棘。禍旦夕及肺腑。諸公不歷算。周思爲宿謀。而釀成疽。根其可乎。又云。今天下之弊患。在士風瀾倒。

湖南文徵

卷一

姓氏傳

三

如水洩防天下。乾耗經費無紀。士習靡則元氣瀉。民財耗則精血罄。將何所底止。言甚切至。卒蔽於方士。權輔訖無所濟。及敵騎充斥。一鏃莫施。始服公言非過慮。而公已病革矣。猶伏枕惋泣。力疾草疏。欲堰北河水以遏敵騎。會德不支而卒。初公入閣時。廷推六人。世廟持之十日。乃下。蓋特簡也。初諡文隱。隆慶改元。更諡。誥曰。惟爾太子太保禮部尚書文淵閣大學士。事我先皇帝三十餘年。隆恩厚。卹君臣之義。有終始矣。閒於媚嫉之臣。易名未當。頃有言者。朕下禮官考論其世。以爾詞尙理。要制倖。渾雄心存世務。議論慷慨。考文章以知人。如陸贄之識韓愈。因公正而發憤。若汲黯之斥張湯。引以

同警悉爲今日之宰輔。與之異趣。實乃當時之大姦。是以朝廷服其節概。天下想其風采。昔我先正良用懷思。不有嘉名。曷稱輿論。是用謚爾文毅。爾其不昧。尙克享此。此則公之行誼已大白於當時。而明叟乃未爲之立傳。世第稱其自劾及籌邊定會典數事。其餘僅傳及於鄉里故老之口。彭贈公思眷爲重刊龍湖集。稱其孤忠亮節。無媿古大臣。洵不誣也。

尹尙賓。茶陵人。嘉靖五年舉人。授戶部主事。遷郎中。以清節著

聞。採記序二篇

夏寶字楚善。益陽人。嘉靖八年進士。任戶部主事。累官福建參

議。採記一篇

湖南文徵

卷一

姓氏傳

十四

舊志羅洪先爲誤。墓碑稱其公忠明敏。

孫宐字仲可。

一作可用

華容人。提學副使。繼芳子。嘉靖七年舉人。著

有洞庭漁人集五十卷。未見。

沅湘集存詩十九首。今採記一篇。

舊志宐爲文千言立就。以父喪哭泣損目。遂不復會試。自號

洞庭漁人。構亭著書。所爲詩奇逸。飛動凡三四百卷。耆舊

傳華容孫氏世有間人。著述甚富。自世其副使。至子嗇。遼撫

凡五世。皆以文學起家。致通顯。用可詩多至三千八百餘首。

顧元言稱其新聲奇調。在李唐二孟之間。王元美謂其得力

於杜。錢氏列朝詩選。朱氏靜志居詩話。并論列之。

王世隆。沅陵人。省志作辰州衛人。

年十七。領鄉薦。嘉靖五年進士。授刑

部主事擢貴州副使

採文三篇

舊志世隆讞獄詳慎爲副使有風裁告歸構妙華書院於大西山日集諸生講學

劉欽薦字少東攸人嘉靖十年舉人官北直邢臺令

採記一篇

攸志薦治邢臺分解盤錯抑騷瘡痍有富民抱冤獄薦得其情直之涖任四載邑以大理嘉靖癸丑課最自京回任有積盜爲巨璫所窩薦立出盜於璫正以典刑璫怒喉北直巡按鄆懋卿中以法鄆廉其治行無可議又以增建邢城有功例應紀錄不得已中以浮躁鐫級邢民遮道攀留歸田與門人參政衡州劉穩講學甚歡家居數十年以介節著

湖南文徵

卷一

姓氏傳

五

蔣信字卿實一字道林武陵人嘉靖十一年進士授戶部主事轉兵部員外郎歷官貴州提學副使著有道林文粹九卷未見

沅湘集存詩七首今採文六篇

案信年十四居喪毀瘠與同邑冀元亨善王守仁謫龍場過其地偕元亨事焉嘉靖初貢入京師復師湛若水成進士累官四川水利僉事卻播州土官賄寘妖道士於法於貴州建書院二廩羣髦士其中龍場故有守仁祠爲置祀田坐擅離職守除名其學踐履篤實得於湛氏爲多湖南學者宗其教稱爲正學先生語見明史湛若水傳又明儒學案信少而端嚴盛暑未嘗袒裼不信形家術母沒自擇高爽之地以葬湖

廣清浪五衛諸生鄉試去省險遠多不能達乃增貴州解額
使之附試尋告病歸御史以擅離職守劾之削籍後奉恩例
冠帶閒居築精舍於桃花岡危坐其中絃歌不輟惟家祭始
一入城閒或出游則所至迎請開講年七十三卒三十二三
時病肺至道林寺靜坐久之忽覺洞然宇宙渾然一身乃信
明道廓然大公無內外是如此自身與萬物一體是如此

廖希顏字叔愚茶陵人嘉靖十一年進士由高安知縣工部主
事扈駕承天遷郎中擢山東提學進浙江按察使著有東粵集
思復堂遺稟未見沅湘集存詩五十一首今採傳一篇

一統志希顏講學河汾書院時海氛甚熾希顏奉檄勦捕殲

湖南文徵

卷一

姓氏傳

三

之者舊傳叔愚學問淹博才識精敏提學三省時作三關
志以爲全晉之安危視三關而畿輔以西大河以北安危視
全晉爰自雲代達延綏按地圖考沿革飭武備覈軍儲明署
置爲圖四爲卷十識者稱之善古文唐荆川嘗遺書謂其氣
骨甚勝書載荆川集

李棠字石塘長沙人嘉靖十一年進士授禮部主事歷僉都御
史宣大總督巡撫南贛終南京吏部右侍郎天啟初追諡恭懿

採文
三篇

一統志王崇古以俺荅就撫條封貢八事廷議紛紜獨棠極
言當許帝從之在贛討平詔州山賊仕宦三十年不營生

產以介節稱

袁鳳鳴字時瑞沅陵人嘉靖十七年進士擢御史巡視居庸再巡四川採記一篇

一統志鳳鳴申飭邊防劾將帥弗戢兵者巡四川建議征白草苗平之以懲直為時所忌出知潮州尋謫思州潮民立祠祀之

周南字化行郴州人嘉靖十三年舉人授甯國知縣調商邱採記一篇

郴州志南九歲能文在官政績炳著年四十致仕安貧樂道有古人風案周南有三此郴人外有嘉靖十年舉人善化

湖南文徵

卷一

姓氏傳

三

人有正德甲戌歲貢新化人此為何文簡孟春之弟侄記當是郴人

李槃字新甫澧州人兵部尚書克嗣子嘉靖十七年進士授中書舍人擢工科給事中出知臨江府採記一篇

舊志槃以懲直出知臨江府廉得郡大豪尤氏不法事置諸理為金幼孜傳瀚建黃閣元僚坊清其沒產以供祀事

李樂字和仲號鹿泉瀘谿人嘉靖十四年進士授南京刑部主事歷雲南金騰副使轉河南參議陝西行太僕卿卒於官採記一篇

滇繫樂為副使執法不撓劾將吏四人除阿坡巨盜軍民稱

愷

羅奎臨湘人嘉靖十九年舉人官漢中府推官採記一篇

孫斯億字兆儒華容人立子諸生沅湘集存詩一首今採記一篇

一統志斯億七歲能詩年十四為諸生事祖母及母以孝聞

以著述自任隱元石山中誅茅蔬食充然自得學使董其昌

稱之曰德範如太邱豪俠如朱游云者舊傳斯億自號雲

夢山人著有雲夢園居鳴銜浮湘北游等集棄巾服徧游名

勝所至交其賢豪無所屈撓分宜秉國著賈直言對貪財論

以洩憤江陵居首輔又貽書艾和甫有田錄事責鄒志完意

其風槩類如此

賀鳳梧益陽人任陝州判官採文二篇

湖南文徵 卷一 姓氏傳 天

舊志鳳梧蚤從武陵蔣信游間求仁之學後入太學以上崇

正還樸疏授陝州判官謝歸構城南山房講學其子知上虞

縣鳳梧教之力行常平倉法

劉宦字士晉衡陽人嘉靖二十一年進士官莆田知縣擢武選

司主事卒採記一篇

舊志宦性嚴峻請賂不行歲饑代民輸賦

蕭禹臣字子益號度山長沙人嘉靖二十六年進士任遂甯知

縣擢工部員外郎卒於官有度山集錄文十篇

舊志禹臣佷息訟辨民俗為之還醇督殿工特著勤勞世宗

每膳必徹以賜

朱炳如字稚文衡陽人孝廉希賢子嘉靖三十八年進士官行人進御吏出守泉州歷兩浙運使陝西布政使採疏一篇

一統志炳如奉使藩府饋遺無所受按鹺兩淮積贖錢三萬

金牒漕司以佐邊備賑泣泉州單騎入境與一老蒼頭相臥處好獎拔士類泉士比之真德秀王十朋云

劉堯誨字君納號凝齋臨武人嘉靖三十二年進士授新喻知

縣擢南京刑部郎轉給事中引疾歸起僉都御史巡撫福建陞

兩廣總制晉兵部尚書參贊機務致仕歸卒贈太子少保著有

歷官奏議嶺南議畱園吟稟虛籟集等書未見沅湘集存詩十三首今採文八篇

湖南文徵

卷一

姓氏傳

三

三楚文獻錄時東南倭寇肆橫浙江統制胡宗憲師久無功

堯誨抗疏論其失策且言功罪不明賞罰惟貨天下事大可

憂疏入嚴嵩銜之又浙直以備倭故凡均徭俱先三年辨名

提編法民困甚堯誨疏論巧取民不若拙省費因請罷興佞

汰冗兵裁覈內外供應及尚衣寺人冒破權貴側目引疾歸

粵寇犯縣親率子弟禦之復募兵為外援從閒道奪賊所豎

幟賊驚引去撫福建平巨寇林鳳禽倭朵麻里奏設總兵扼

南澳一島移撫江西疏蠲積逋二十九萬總制兩廣平鬱林

木頭等二十九砦東粵遂甯積羨餘至三十八萬以佐軍興

費耆舊傳公幼有大志沈毅寡言弱冠讀書白雲山間秦

州王良之學朝夕體驗悠然有得抗疏後有陰中之者公力請歸益力於學既禦粵寇而南中大察以前疏奪諫職起補上海丞累遷僉都御史巡撫八閩勦巨寇林鳳有東番颯港呂宋玳瑁港之捷晉副都御史尋以浮議聽勘卒無驗粵中八寨猺舊爲梗經王陽明屢勦叛服不常公調土兵定之酌善後七策遂不復反摩崖紀功又條畫粵西鹽法使湖以南民不苦鹽嶺以東兵不苦餉晉尙書會有謂公與江陵有媿者遂乞歸卽衡陽賓日門家焉公學有本原體用明備兩粵之績尤偉明叟未爲立傳

劉淑龍醴陵人嘉靖三十一年舉人授中書舍人陞大理寺副

湖南文徵

卷一

姓氏傳

三

直中祕預修國史王牒改南京戶部員外郎轉正郎出知鎮遠府採序一篇

舊志水兌抽分羨餘淑龍悉歸諸公知鎮遠軫念民瘼興學校化苗俗致仕歸囊橐蕭然

楊廷相長沙人嘉靖三十一年舉人採文七篇

舊志廷相少力學博通經史世居青山卽以其地爲號結廬晦迹足不履市塵

劉應峯字少衡茶陵人嘉靖三十五年進士除南昌縣知縣擢吏部主事歷江西參議疏乞終養採記二篇

豫章書湖廣通志南昌郭號難治應峯處以鎮靜均糧省

役民用不擾。究心理學。建旌忠書院。著述自娛。

艾穆字和甫。一字熙亭。平江人。嘉靖四十年舉人。署阜城教諭。入爲國子監助教。萬曆初遷刑部主事。進員外郎。戍涼州。起補光祿寺少卿。轉鴻臚寺卿。再轉太僕寺卿。以都察院右僉都御史巡撫四川。有終太山人集。沅湘集存詩八首。今錄文三十七篇。

明史穆爲助教。張居正知穆名。欲用爲誥敕房中書舍人。不應。錄囚陝西時。居正法嚴。洩囚有不如額者。罪穆止洩二人。曰我終不以人命博官也。及居正遭喪。奪情穆抗疏切諫。廷杖戍涼州。居正語人曰昔嚴分宐時未有同鄉攻擊者。我不得比分宐矣。秀水朱氏明詩綜曰公與其鄉沈純甫先生湖南文徵卷一 姓氏傳 三

湖南文徵

卷一

姓氏傳

三

同論江陵奪情。其謫戍一西一南。艾詩云青山到處皆吾土。何必湘南是故鄉。是亦達人之言。西竄之後。詩律頗效空同云。

何銳字恆之。桂陽州人。由貢任鹽亭主簿。多惠政。縣人立石頌之。致仕歸。屢舉鄉飲大賓。卒年八十。採文二篇

譚希思字恆之。茶陵人。萬曆二年進士。授萬安知縣。改永豐。擢南京御史。謫外任。尋進僉都御史。巡撫四川。採文一篇

舊志希思抗疏六事。事關戚畹內臣。而援引祖制。抵觸忌諱。皆人所不敢言者。上怒。故謫外。播州逆節未露。廷議主勦希思。獨主撫。云不忍枯萬骨。以邀上賞。懸車後。徜徉山水。與同

志以理學相切劘

車大任字子仁邵陽人萬歷八年進士授南豐知縣謫平谷尉復由遵化知縣入為南評事歷禮部郎中出為福州知府外憂起復補嘉興府擢嘉湖兵備副使分守溫處參政以請養歸里居二十載沒祀鄉賢祠有囊螢閣正續集四十卷未見沅湘集存詩二

十四首今採文五篇

一統志南豐自嘉靖寇災後戶多棄田大任力請召民僇買以紓賠累疏入報可且檄各縣仿行之知福州時日本弗靖乃練軍實繕城隍首行常平社倉法歷溫處參政六載海氛盡息耆舊傳子仁幼有神童之目十歲增縣學籍官南京

湖南文徵

卷一

姓氏傳

三

時問學於鄧文潔羅近谿耿子健諸公邵陽車氏以文學世其家幾於人人有集然皆自子仁發之

劉應龍字文見一字在田邵陽人萬歷八年進士授崑山知縣行取御史巡按山西福建北直隸遷南太常少卿甫一載即乞歸屢推巡撫不起沅湘集存詩二首今採文三篇

舊志應龍奏減蘇州糧米數萬石蘇人立祠祀之除弊省刑捐俸助賑置義田施藥餌戚里貧乏者月給廩肉終其身不輟耆舊傳太常有清望居臺三十載風采肅然尤淡於性命之學著有一得編益心學之弊明季士大夫皆然不獨先生也

龍膺字君御武陵人萬歷八年進士除徽州府推官擢禮部祠
祭司主事左遷國子博士謫倅邊州入爲戶部郎中久之出爲
山西按察司僉事轉甘肅參政入爲太常寺正卿乞休卒著有
九芝集未見

沅湘集存詩五十七
首今採文十八篇

常德志膺以弱冠鄉舉爲主事數上書陳時政遷國子博士
上疏諫選宮女帝大怒將逮治甚危賴首揆申時行力救得
免謫倅邊州從大司馬田氏督軍青海有鎮海邊榨松山之
捷其在湟中飯酪眠雪與士卒同甘苦馳騎沙漠礫櫟間氣
揚揚不憊任按察僉事上請兩臺轉題災異疏轉甘肅參政
復持節張掖酒泉甫馳入境內有暖泉之捷越年又有麻山

湖南文徵

卷一

姓氏傳

三

之捷先後撻伐擴地數千里以太常歸休沐逃禪蔬布自甘
俸入盡散諸親友耆舊傳太常屏迹漁仙自署漁仙長又
卜築澗園號澗公汲引後進如不及案傳稱以推官言事
謫溫州府學教授稍遷國子監博士升禮部主事復謫兩淮
運判輔鞏昌通判歷同知遷南戶部郎中與郡志稍殊省志
尤略今從郡志其諫選宮女及請轉題災異二疏皆載郡志
以前未得書故不及錄入

石珮字子鳴瀘谿人萬歷元年舉人任儀封教諭陞鎮遠令未
任丁內艱起補四川樂至令致仕歸

採文一篇

辰州志珮清約儉素教士以敦行爲先爲令廉明不苟輿論

翕然

陳元旦字明甫號賓暘興甯人萬歷三十二年由恩貢進書授善化訓導陞贛榆知縣轉藩府長史致仕歸採劄子一篇

舊志元旦以所撰孝經章句敬一箴注撫世皇猷闡道臆解理學管窺五書進呈奉旨畱覽天啟閒赴青原仁文書院講學歸佻徹性悟言孔門正學宗旨等書

蔡思穆字熙垣攸人萬歷十四年進士歷官四川梁山江西臨川知縣廣東道監察御史浙江巡按御史採文二篇

攸志雜識類思穆巡城時夜遇少年子於西四牌樓氣張甚將加以法詰之則某宗室也事聞於上賜以殿中執法四字

湖南文徵

卷一

姓氏傳

三

明年獻賊所過焚燬此額獨存灰燼中案省志無傳

莊天合字德全一字冲虛長沙衛人萬歷十七年進士改庶吉

士授編修累進少詹事艱歸卒贈禮部右侍郎賜祭葬有莊學

士集未見

沅湘集存詩十八首今採文四篇

舊志天合侍講筵晉宮僚以端謹受知於光宗庚子主試南都甲辰分校禮闈所拔多知名士

孫羽侯字鵬初華容人斯億子萬歷十七年進士選庶吉士歷禮科刑科給事中有遂初堂集未見沅湘集存詩四首今採文三篇

舊志神宗詰責臺省罷科道四十人羽侯與焉里居閉戶著

書鄉里稱其賢子穀字子穉萬歷丁未進士由杭州推官累

遷副都御史巡撫遼東以病歸穀亦竝有文名

江盈科字進之桃源人萬歷二十年進士除長洲知縣擢吏部主事歷四川提學僉事有雪濤閣集未見

沅湘集存詩四十五首今採文十二篇

一統志盈科操行純篤推遺田以與兄弟授徒自給 耆舊傳雪濤在當時有盛名隆萬以後談詩者頗宗之袁中郎推尊九至雪濤者其地有白馬江懸水數仞衝擊之勢變態萬狀土人呼曰雪濤故以名其集

姜性字幼蒙巴陵人兵部侍郎廷頤子萬歷二十五年進士授鉅鹿知縣擢戶部主事歷刑科給事中以冊封趙藩請假歸里

卒

沅湘集存詩一首今採文一篇

湖南文徵

卷一

姓氏傳

姜

耆舊傳幼蒙性骨鯁刻苦如寒素九齡時當得父廕推以與弟年十二箸下帷賦舉於鄉不第閉戶軍山十年令鉅野設保赤倉十二義塾七大修教養之政居諫垣兩載當神廟靜攝時疏凡八上力言內臣取旨之弊語皆沈痛又請定湖南運漕水次至今僂之

湖南文徵姓氏傳卷二

明

李騰芳字子實號湘洲湘潭人萬歷二十年進士選庶吉士授
檢討累遷左諭德以擅去貶太常博士又以京察謫江西理問
光宗立起行人司正擢少詹事旋拜禮部右侍郎御史王安舜
劾其驟遷騰芳辭避不允天啟初以故官協理詹事府尋改吏
部左侍郎丁內艱加禮部尚書歸又以被察驟遷丁憂進官皆
非制削奪崇禎初再起禮部尚書卒官贈太子太保諡文莊著
有湘洲全集沅湘集存詩十四首
今錄文六十五篇

湖南文徵 卷二 姓氏傳 一
明史本傳三王竝封詔下騰芳為書投大學士王錫爵言封

王既定冊立愈遲他日公去而事壞不獨宗社憂亦公子孫
禍也錫爵憮然淚下遂反竝封之詔魏忠賢惡騰芳與楊漣
同鄉遂奪職崇禎初再以禮部尚書協理詹事府京師戒嚴
籌畫守禦多稱旨 案史傳不及備錄邑人謝璠纂傳見卷
三十八

蔡承向攸人萬歷二十六年進士採策
一篇
案攸志承向無所記載

何太謙字子益邵陽人萬歷二十六年進士授臨江推官擢兵
部主事改監察御史採文
一篇

袁子讓字子肩郴州人萬歷二十九年進士知嘉定州四庫書
目作肩

州擢兵部員外郎有香海棠集沅湘集存詩二首今採文一篇

耆舊傳子肩知嘉定有惠政嘉人攀轅泣畱後祀之名宦祠子肩少日以香海棠賦得名嘉定州南有香海棠亭碑刻子肩海棠賦其思慕如此

陳宗契字禎生一字景元衡陽人萬歷二十九年進士選庶吉士改御史巡按浙江因父疾假歸尋補畿輔提學不赴天啟初晉通政司參議遷太常寺卿以逆璫擅政三疏乞歸崇禎三年詔起兵部右侍郎未間命卒年九十餘有文集二十卷未見沅湘

集存詩五首今採文六篇

一統志陝西稅璫梁永壘害按臣徐懋恆宗契專疏請誅永

湖南文徵 卷二 姓氏傳 二

以伸國法又糾遼左稅監高淮擅預兵機乞正其罪直聲震輦下魏忠賢諷使埒已卽日三疏乞歸耆舊傳太常性至孝其辭督學北直在里居侍母時最後以忤璫三疏乞終養家居奉母絕口不談天下事所著詩文名醒目吹未見

羅調陽安鄉人萬歷三十一年舉人採碑記一篇

康元積衡山人與兄元同舉鄉試元積萬歷二十九年進士授太常博士擢吏曹固辭旋奉欽取擬注吏科遽卒採疏書二篇

湖廣通志元積上保泰疏侃侃數子言尚書趙煥稱爲當代第一人嘗以黃堡驛馬病民條議改罷又倣條鞭例調停邑賦歲減若干緡鄉里賴之

劉宏化字貳公一字衡麓湘潭人一佶攸人萬歷三十八年進士兩令山西擢刑科給事中以劾魏璫下獄烈皇卽位起兵科給事中晉光祿卿轉南大理寺卿以疾歸有衡麓祕錄後樂集未見

沅湘集存詩二首
今採碑記一篇

一統志宏化首糾輔臣附權貴內臣僭批荅有直聲議移宮紅凡之案侃侃不阿會熊廷弼論死宏化力爭之坐受熊賄罷官削籍入獄崇禎初起復進階攸輿詩鈔衡麓居諫垣錚錚有聲明叟不爲立傳而事蹟散見周宗建張鶴鳴曹欽程各傳中案宏化長沙衛人衛地屬湘潭其墓在湘潭飛來橋乾隆初邑諸生羅仙夢古衣冠人以墓見託函往省視

湖南文徵

卷二

姓氏傳

三

果被掘毀爲鳴諸官修復之潭攸湘鄉各縣志并載其事

楊鶴字修齡武陵人萬歷三十二年進士授陝西雒南知縣擢御史巡鹽兩浙轉按黔中丁外艱歸起大理寺丞轉翰林院提督四裔館陞南贛巡撫忤魏璫削籍崇禎改元起左副都御史拜兵部侍郎總督陝西三邊軍務加太子少傅御史吳甡奏鶴主撫誤國下廷尉子嗣昌請以身代得減死謫戍袁州卒

沅湘集存

詩入首今
採序一篇

案文見李文莊騰芳所刻陽明文集殆其手書其集爲僅存孤本世所不見也明叟鶴爲御史上疏請東宮講學又言爲治之道在培元氣國家兵役繁興奄官煽亂元氣已傷譬如

重病初起百脈未調風邪易入道在培養時以爲名言

楊嗣昌字文弱武陵人萬歷三十八年進士除黃州教授歷戶部郎中以病歸崇禎初起爲河南汝州副使尋擢兵部右侍郎兼右僉都御史總督宣大山西軍務晉兵部尙書東閣大學士參機務仍掌兵部事被劾落職視事未幾以敘功復職已特旨仍命督師賜上方劍以優宐誅賞十四年二月襄陽陷憂憤不食卒初以勦賊功晉太子少傅沒後論臨藍平寇功進太子太傅有地官集奏彙諸書

沅湘集存詩三十六首今錄文四十五篇

明史崇禎七年時中原饑羣盜蜂起嗣昌請開金銀銅錫礦以解散其黨又六疏陳邊事多所規畫帝異其才以父喪去

湖南文徵

卷二

姓氏傳

四

復遭繼母喪九年秋兵部尙書張鳳翼卒帝顧廷臣無可任者卽家起嗣昌三疏辭不許明年三月抵京召對嗣昌通籍積歲林居博涉文籍多識先朝故事工筆札有口辯帝與語大信愛之鳳翼固柔靡兵事無所區畫嗣昌銳意振啟帝益以爲能每對必移時所奏請無不聽曰恨用卿晚嗣昌乃議大舉平賊分四正六隅張十面之網請增兵十二萬增餉二百八十萬刻今年十二月至明年二月爲滅賊之期明年三月嗣昌以滅賊踰期疏引罪薦人自代帝不許而命察行閒功罪初帝以嗣昌才而用之非廷臣意知其必有言言者輒斥中外益不平嗣昌不自安屢疏引罪乃落職冠帶視事未

幾以敘功復之。嗣昌薦四川巡撫傅宗龍自代。十二年五月，熊文燦所撫賊張獻忠反，穀城羅汝才等九營皆反。八月，傅宗龍抵京，嗣昌解部務，還內閣。未幾，羅狹山敗書聞，詔逮文燦，特旨命嗣昌督師，賜上方劍，以優宐。誅賞九月朔，召見平臺。嗣昌曰：君言不宿於家，臣朝受命，夕啟行。帝悅。嗣昌條七事以獻，悉報可。四日，召見，賜宴，手觴三爵，御製贈行詩一章。嗣昌跪誦拜且泣。越二日，陞辭賜膳。二十九日，抵襄陽。十月朔，大誓三軍，副將刁明忠、張琮率京軍踰山行九十里，敗賊賀一龍等，斬首千七百五十。嗣昌稱詔頒賜，當是時，李自成潛伏陝右，賀一龍等跳梁漢東。嗣昌專勦獻忠，獻忠屢敗於

湖南文徵

卷二

姓氏傳

五

興安亦撫不許，其黨託天王等來降，獻忠走入川。左良玉追之，二月七日與賀人龍、李國奇等夾擊於瑪瑙山，大破之，斬馘三千六百二十。其黨埽地，王曹威等授首。十反王楊友賢率眾降，而湖廣將敗賊於水石壩，獲其軍師。四川將敗之，于江河又敗之，塞谿寺鹽井。川陝湖廣諸將畢集，復連敗之。黃堡、木瓜谿軍聲大振。汝才登相，來撫獻忠，持之斂兵南漳。遠安間殺安撫官姚宗中，走大甯。大昌犯巫山，爲川中害。獻忠遁興安，平利山中。良玉圍而不攻，賊得收散。由興安房縣走白羊山而西，與汝才等合。嗣昌以羣賊合，其勢復張，乃由襄陽赴夷陵，扼其要害。帝念嗣昌行間勞苦，賜敕發賞功銀。

萬賜鞏馬二復大破賊商城賀一龍五大部降而復叛又大破汝才登相開縣汝才偕小秦王東奔登相越開縣而西自是二賊始分當是時諸部士馬居山谷罹炎暑瘴毒物故十二三京兵之在荆門雲南兵之在簡坪湖廣兵之在馬蝗坡者久屯思歸夜多關河大旱人相食土寇蠡起饑民從之所在告警嗣昌以聞帝發帑金五萬營醫藥令諸將進兵而陝之長武川之新甯大竹湖廣之羅田又相繼報陷嗣昌乃下招撫令爲諭帖萬紙散之賊中七月監軍孔貞會等大破汝才豐邑坪其黨混世王小秦王率其下降賊魁整十萬及登相王光恩亦相繼降於是羣賊盡萃於蜀中嗣昌遂入川

以八月泛舟上謂川地阨塞諸軍合而蹙之可盡殄而人龍以秦師自開縣謀而西歸應元等敗績夔之土地嶺獻忠勢復張汝才與之合聞督師西遂急趨大昌犯觀音巖守將邵仲光不能禦嗣昌斬仲光効逮四川巡撫邵捷春賊遂渡河至通江嗣昌至萬縣賊攻巴州不下嗣昌至梁山檄諸將分擊賊已陷劍州趨保甯將由閒道入漢中趙光遠賀人龍拒之賊乃轉掠陷梓潼昭化抵縣竹將趨成都十一月嗣昌至重慶賊攻羅江不克走縣竹嗣昌至順慶諸將不會師賊轉掠至漢州去中江百里守將方國安避之去賊遂縱掠什邡縣竹安縣德陽金堂閒所至空城而遁全蜀大震賊遂由水

道下簡州資陽嗣昌徵諸將合擊皆退縮屢徵良玉兵不至賊遂陷榮昌永川十二月陷瀘州自賊再入川諸將無一邀擊者先是嗣昌以諸將進止不一納幕下評事萬元吉言用猛如虎爲總統張應元副之比賊入瀘州如虎及賀人龍趙光遠軍至賊復渡南谿越成都走漢州德陽縣竹劍州昭化至廣元又走巴州達州諸軍疲極惟如虎軍躡其後十四年正月嗣昌知賊必出川遂統舟師下雲陽檄諸軍陸行追賊人龍軍旣謀而西頓兵廣元不進所恃惟如虎比與賊戰開縣黃陵大敗如虎突圍免賊遂下夔門抵興山攻當陽犯荆門嗣昌至夷陵良玉撤興房兵若相避然賊所至燒驛舍殺

湖南文徵

卷二

姓氏傳

七

塘卒東西消息中斷鄖陽撫治袁繼咸聞賊至當陽急謀發兵獻忠令汝材與相持而自以輕騎一日夜馳三百里殺督師使者於道取軍符以二月十一日抵襄陽近郊用二十八騎持軍符先馳呼城門督師調兵守者合符而信入之夜半從中起城遂陷執襄王謂欲借王頭俾嗣昌以陷藩伏法遂害之嗣昌初以襄陽重鎮勿溪溝方沍而三環之造飛梁設橫柅陳利兵而譏訶非符要合者不得渡江漢間列城數十倚襄陽爲天險賊乃出不意而破之嗣昌在夷陵驚悸上疏請處下至荊州之沙市聞洛陽已於正月被陷福王被害益憂懼遂不食以三月朔日卒年五十四廷臣交章論列帝甚

傷悼之命丁啟睿代督師傳諭廷臣輔臣二載辛勞一朝畢命然功不掩過其議罪以間徐元禎等請以失陷城寨律擬斬上傳制曰故輔嗣昌奉命督勦無城守專責乃詎城夜襲之檄嚴飭再三地方若罔聞知及違制陷城專罪督輔非通論且臨戎二載屢著捷功盡瘁隕身勤勞難泯乃昭雪嗣昌罪賜祭歸其喪於武陵廷臣猶追論不已帝終念之贊曰明季士大夫問錢穀不知問甲兵不知於是嗣昌得以才顯然迄無成功者得非功罪淆於愛憎機宐失於逼制故耶案武陵太傅當明運將終國事靡敝之時於崇禎十年以邊臣入筦中樞者二載督兵征勦者二載鞠躬盡瘁略擬武鄉而

湖南文徵

卷二

姓氏傳

八

當時交劾者曰誤國後世追論者亦曰誤國豈謂明亡獨在崇禎十年以後乎至夏據媒孽誣罔之辭輕相詆毀歷二百餘年猶然眾喙一聲則道聽而未加考察之故今編中錄疏稟二卷其事蹟約略可見茲節錄明叟本傳行軍節次具在何嘗有驅賊入川之說論世者其其參之

洪雲蒸字化卿攸人萬歷三十八年進士累官嶺南道副使擢按察使著有紫雲文集沅湘集存詩十四首今錄文九篇

一統志崇禎六年粵寇張文斌等憑險肆掠雲蒸誘禽之平

九連山題建連平州七年海寇劉香老圍海豐屢挫其眾香老懼乞撫雲蒸單騎按其部壘賊畱之雲蒸陰檄閩將進勦

兵至以雲蒸在不卽攻雲蒸方在賊船急揮手曰毋以我爲念滅此以報朝廷可也香老怒殺之沈屍海中越五日浮屍沙口有鶴張翼覆之舟人特祀焉耆舊傳先是鍾凌秀旣

降復叛爲鄭芝龍所禽而福建有紅夷之患海盜劉香老乘之連犯閩廣沿海邑帝以責熊文燦文燦議招撫賊佯許之乃令公與副使康承祖參將夏之本張一傑入賊舟宣諭俱被執八年芝龍合廣東兵擊香於田尾遠洋香脅公止兵公大呼曰我矢死報國急擊勿失遂遇害香勢蹙自焚溺歿承祖等脫還賊黨千餘人詣浙江歸款海盜盡平事具明叟熊文燦傳案編中有楊太傅嗣昌所爲傳最詳與舊志亦稍

湖南文徵

卷二

姓氏傳

九

有異傳稱余與公同第同鄉於崇禎十年曾具疏題請贈卹十二年始贈右副都御史後又云權貴內沮不獲敘績易名上諸史館論世者有餘慨焉中又云公素議山寇海寇須大用兵芟夷不勦而撫爲害滋大督院不從督院謂熊文燦也後又云向使督臣熊文燦蚤用公議以靖海氛何至促迫往撫單車見畱哉然則世傳武陵信任文燦主撫而始終右之者未得其實矣

滿朝薦字震東一字震寰麻陽人萬歷三十二年進士授咸甯知縣下詔獄長繫釋歸起南京刑部郎中再遷尙寶卿進太僕寺少卿旋落職崇禎二年薦起故官未上卒

玩湘集存詩一首今採疏一篇

明史本傳稅監梁永縱其下劫諸生棗朝薦捕治之永怒劾其擅刊稅役詔鐫一官大學士沈鯉等論救不聽會巡撫顧其志極論永貪殘狀乃復朝薦官無何永遣人盡巡按御史余懋衡事覺朝薦捕獲其人永懼率眾環甲入縣庭吏卒蚤爲備無所掠而去城中數夜驚言永反永下教自白不反狀然蓄甲者數百而朝薦助懋衡操之急諸惡黨多亾去朝薦追之渭南頗有所格傷永懼使使繫書髮中入都訟朝薦劫上供諸物殺傷數人投屎河中帝震怒立遣使逮治下詔獄榜掠遂長繫自三十五年七月至四十一年秋乃釋歸光宗立起南刑部郎中遷尙寶卿天啟二年遼東地盡失海內多

湖南文徵

卷二

姓氏傳

十

故而廷臣方植黨逞浮議朝薦深慮之疏陳時事十可憂七可怪語極危切尋晉太僕少卿復上疏痛陳時弊末言成於陛下什之一二成於當事大臣者什之八九臣誠不忍見神州陸沈祈陛下終覽臣疏與閣部大臣改絃易轍悉軌祖宗舊章臣卽從逢于於地下猶生之年既奏魏忠賢激帝怒降旨切責禡職爲民大學士葉向高申救甚力帝不納已忠賢黨撰東林同志錄朝薦與焉竟不復用案沅州府志載軼事已埶疏後

李馭芳字翔雲禮部尙書騰芳弟萬歷四十年舉人

採序一篇

省志馭芳性淳篤不以馨華自耀舉鄉薦二十餘年國朝

順治六年殉城歿遺孤一歲人皆傷之

羅喻義字湘中一字禹鍾號黃江益陽人萬歷四十一年進士
選庶吉士授檢討假歸天啟初還朝歷官諭德直經筵擢南京
國子監祭酒崇禎初召拜禮部右侍郎協理詹事府充日講官
教習庶吉士尋罷歸家居十年卒諡文介

沅湘集存詩五首今採文六篇

明史國子諸生欲爲魏忠賢立祠喻義懲其倡者乃已忠賢
黨輯東林籍貫湖廣二十人喻義居首遂削籍莊烈帝卽位
起用尋充日講官喻義性嚴冷閉戶讀書不輕接一客後見
中外多故將吏不習兵銳意講武事推演陣圖獻之帝爲褒
納明年進講尚書撰布昭聖武講義中及時事語頗傷執政

湖南文徵

卷二

姓氏傳

十一

溫體仁不懌互相奏辨吏部希體仁指議革職閒住可之喻
義雅負時望爲體仁所傾士論交惜耆舊傳注益陽志稱
公沒贈尚書諡文介不著贈諡朝代考明史本傳公晉秩尚
書後始爲溫體仁所傾其予諡蓋在南都旣立之後也案
明史顧錫疇言羅喻義宜與諡從之是福王時事惟史無晉
秩尚書之文或晉講尚書之譌耳

譚麟應字道徵號仁山茶陵人徵授翰林院侍講

採文一篇

陳論

四川志作陳倫

字思魯攸人天順中官巴州訓導卒於官

採文一篇

爲立主於學祀之攸志論師事湛甘泉潛心理學提學陳

鳳梧聘爲嶽麓山長。郡守孫存聘修長沙府志。郡守李日章舉爲鄉飲大賓。終母喪。追服父喪三年。所著有忠節補遺日勤九省錄。

文澍字汝霖。桃源人。成化二年進士。授南京刑部主事。轉郎中。出知重慶府。調恩州。尋致仕。採賦一篇

舊志汝霖政尙寬平。歲饑。請賑全活甚眾。劇盜嘯聚山澤。親往諭之。皆解散。以與監司忤。左遷。卽致仕。歸富於問。學年至耄。耄手不釋卷。居鄉動以禮法自律。

印偉桃源人。宏治十七年舉人。任成都府通判。沅湘集存詩一首。今採記一篇

桃源志印偉有治劇才。工詩翰。歸老林下。沒引後進。時論高

湖南文徵

卷二

姓氏傳

十一

之子。案嘉靖貢生。工詩賦。任南通州判。以征倭寇功陞鳳陽府判。兩郡立碑祀之。案省志有案無偉名。

崔巖字民瞻。郴州人。成化十七年進士。由戶部主事累擢江西河南左右布政司巡撫。大同進工部侍郎。採記一篇

一統志巖練達勤慎。卓有清操。撫大同。獎率士卒。奏捷者再。正德中。羣瑄用事。國用奢。泰不經。巖抗疏力爭。卒以此忤權倖。兩繫詔獄。劉瑾敗乃得釋。

陳洪謨字宗禹。武陵人。宏治九年進士。授刑部主事。出守漳州。累擢雲南按察使。嘉靖初。以都察院副都御史巡撫江西。入爲

兵部侍郎。卒。贈兵部尚書。沅湘集存詩四首。今採墓表一篇

耆舊傳公官都憲時備陳張原毛玉胡瓊等妻子流離狀請
卹於朝諸人皆以爭大禮歿者事見明史張原傳歸後居高
吾山下築亭曰靜芳著書自娛所著有靜芳亭集治世餘聞
繼世餘聞各四卷見明史藝文志 國朝四庫全書存目治
世紀孝廟時事繼世則紀武宗時事也又有革除編年見明
詩綜 案洪謨撫江西新成滕王閣兼祀文文山謝疊山二
公泰和羅欽順爲之記以爲觀於是役而君子之政可知又
特疏表戶部宋以方之忠詔贈光祿寺卿諡忠節以方靖州
人歿宸濠之難者也又爲詩弔青尉祠青名文勝夔州人爲
龍陽典史三疏請寬逋賦不報自刎於登聞鼓下帝聞大驚

湖南文徵

卷二

姓氏傳

三

詔寬龍陽租二萬四千餘石定爲額縣人建祠祀之後諡惠
烈者也其亟亟於表揚節義如此

楊禔字介福武陵人成化十九年鄉試第一宏治九年進士選
庶吉士歷禮兵刑三科給事中終太僕寺卿

沅湘集存詩一首今採書一篇

一統志時外藩以方士進禔上言羽流幻術不宜蠱惑聖心
不報忤劉瑾歸構間山精舍講明正學瑾敗起復故官 耆
舊傳偕蔣道林冀闡齋諸人講學起吏科給事中轉通政司

晉南太僕

易舒誥字欽之號西泉攸人宏治十八年進士選庶吉士授檢
討改南戶部主事復入翰林乞養歸有浯池集

沅湘集存詩五首今採文

一統志劉瑾擅權人爭趨附舒誥獨不屈改南主事瑾敗復入翰林以親老乞歸家居十四年卒 茶陵張文毅治浯池集序先生天才也在詞館八年梁文正公稱其文重當時筆驚風雨洵不虛也 案西泉集原本久佚康熙甲午續刊入卷薄學使序之見攸輿詩鈔今亦未見

孫繼芳字世其華容人正德六年進士授刑部主事改兵部員外郎終雲南提學副使 採序一篇

一統志東廠獲數人誣為盜下刑部論法繼芳白其冤武宗將南巡繼芳偕武選郎黃鞏牽諸部寺屬百餘人力諫捕繫

湖南文徵

卷二

姓氏傳

古

廷杖武庫郎陸震答歿繼芳裹創力治震瘵

范輅字以載桂陽人正德六年進士授行人除南京御史歷福建僉事轉江西副使密雲兵備副使江西福建左右布政使卒

官 沅湘集存詩七首今採小序

明叟武宗久無子輅偕同官請擇宗室賢者育宮中不報先

後劾中官黎安劉瑯及衛官簡文王忠罪又論馬姬有娠不當入宮語皆切直尋命清軍江西甯王宸濠令諸司以朝服

見輅奏言高帝定制王府僚屬稱官後乃稱臣其餘文武及京官出使者皆稱官朝使相見以優服今天下王府儀注制

未盡一臣以為尊無二上凡不稱臣者皆不宜具朝服以嚴

大防宸濠馳疏爭之廷臣請如輅言又劾治濠佾秦榮僭侈
又劾鎮守太監畢眞貪虐十五事疏畱不下眞乃撫他事誣
之遂逮下詔獄值帝巡幸淹繫經年十四年四月始謫龍州
宣撫司經歷未幾宸濠及眞謀逆誅御史謝源等交章薦輅
未及召世宗立復故官遷福建僉事轉江西副使致仕歸又
用胡世甯薦起密雲兵備副使討礦賊有功遷布政使耆
舊傳所居有三峯因以自號詩有三峯二京宦游等集清夷
委宛不媿有道之言

方鈍字仲敏巴陵人正德十五年進士知華亭縣改內黃入爲
監察御史巡視山東累官戶部尙書卒贈太子少保諡簡肅採記

湖南文徵

卷二

姓氏傳

五

一篇

案鈍巡視時舉劾不避恩怨嘉靖中掌部七年廉慎無過嚴
嵩陰中之詔改南京遂乞歸隆慶萬歷閒兩賜存問明叟埴
見劉訥傳

魏煥字原德長沙衛人嘉靖八年進士授嘉興府推官歷兵部

員外郎擢四川僉事

採議一篇

府志煥司理嘉興有青天之目在兵部佾九邊圖考試選條
例皇明拱衛錄在四川化宣慰教子之頑平土官奏記之獄
猺苗咸服以疾歸一日卒遺有宗會堂圖說父棠歲貢令彭
水子時用令大甯三世仕蜀俱有賢聲

李徵字誠之桃源人嘉靖十七年進士任行人遷刑科給事中歷禮吏二部出爲江西按察司副使分巡瑞州轉江西布政使有元光詩文彙閒閒亭錄未見採銘一篇

案徵在浙江禁迎春觀潮陋習時緝海賊出無辜者數百人江西有時相父子奪民居爲瑩院司俱左袒獨徵持不可時相銜之喉言官論罷歸捐俸置義田三百畝以贍鄉族建漳江書院造就邑人卒之日囊無遺金徵父冕歲貢官江甯主簿有政績徵從子相辛卯同榜舉人能文皆見舊志元光漫藁五卷見四庫全書存目

李珊衡陽人嘉靖十七年進士歷官應天府尹採記一篇

湖南文徵

卷二

姓氏傳

六

案衡陽志無傳惟選舉下注云珊在戶科日值京師淫雨有請修省一疏至嘉靖三十四年尹應天以囚犯吳伯恭等越獄逮訊下巡按御史覈查開釋祀鄉賢

周采字亮臣甯鄉人廣西貴縣知縣策之子嘉靖十一年進士授中書舍人擢禮科給事中出爲福建參議陝西參政歷陝西左布政使雲南巡撫假歸卒賜祭葬沅湘集存詩一首採碑記一篇

李廷柬字文達號作山興甯人知府端之孫解元邦憲之子嘉靖十九年舉人沅湘集存詩一首今採序一篇

興甯舊志廷柬資性敏達博極羣書奉母羅氏曲得歡心鄉人稱其孝箸佗甚富惜未刊刻案廷柬耆舊集佗廷簡誤

其祖端天順丁丑進士知灤州父邦憲弱冠領鄉薦第一皆

見一統志廷東坳見省志邦憲傳中

張繼志字希孝武岡人沅湘集存詩一首今採賦一篇

耆舊傳繼志篤學厲行能為詩隆慶中以邊事需才詔徵天

下山林隱逸之士有司敦迫固辭湖廣通志作萬歷改元詔徵云云大吏以

儒官徵敦請鄉飲大賓亦不赴布衣終身

陳薦字君庸號楚石祁陽人隆慶五年進士累官吏部尚書疏採

篇二

一統志薦初官御史忤中官馮保稱病歸萬歷閒起按陝西

時三秦荒旱延慶為甚薦理贖錢得四萬餘金上疏請賑全

湖南文徵 卷一 姓氏傳

七

活甚眾 永州志薦父良能為府吏公事多所匡弼太守錢

芹重之薦時七歲讀書公廨守去任盡出所遺以頒諸曹良

能一無所受獨請守所輯書經解以訓子守驚異授之薦後

以書經冠楚闈

賀幼殊湘鄉人四川蓬州知州表之子嘉靖三十一年舉人歷

官雲南副使晉階三品採記一篇

龍應濱字思庭湘鄉人嘉靖三十四年舉人授廣東長甯知縣

沅湘集存詩一首今採記一篇

舊志長甯多逋賦奸民以之累貧民里胥呼迫甚遂匿山谷

為盜應濱悉代償奸民感其義咸改轍樂輸貧民亦無復為

盜者者舊傳縣有橋通汀贛孔道圯應濱出私財千金修復之人呼龍公橋建祠其上祀之

陳一能字洞衡武陵人兵侍洪謨從子嘉靖三十七年舉人授

江津縣知縣

沅湘集存詩一首今採文一篇

常德志一能年十一補弟子員會餽屢試冠軍任江津清操廉潔久而厭仕求歸囊無一物

周之屏字鶴皋湘潭人嘉靖三十八年進士授溧水令由南京吏部考功郎出守吉安遷貴州山東河南提學副使廣東參政按察使浙江江西左右布政使致仕十餘年卒有集未見

採記一篇

一統志吉安有譁卒入府門僚吏散走之屏卽嚴鼓升堂語

湖南文徵

卷二

姓氏傳

七

之曰若輩有所訴守能爲若白若爲亂則守不懼汝曹罪不貸矣皆釋戈拜一郡獲安湘潭舊志在兩粵時江陵欲行文量有司以猺獍田不可間比入覲言於朝江陵厲聲曰只管丈之屏悟其意指而出江陵笑曰去者解事人也眾出問云何曰相君方欲一法度齊天下有明言有田不可丈躬伸縮尙在吾輩眾方豁然少有文譽與新鄭江陵及蘭谿新建俱有交及其柄政務自嫌遠故十餘仕皆平進終不究其用

鄒廷望字見嶽新化人嘉靖四十一年進士授河南新蔡縣知縣行取戶部主事出爲陝西鳳陽府知府擢甘肅莊浪兵備道

僉事兼行太僕寺少卿乞歸家居三十載始卒。沅湘集存詩一首今採文四篇

一統志廷望催稅臨清秋豪無所私知鳳陽捐俸賑饑致仕歸惟圖書數篋者舊傳先生以名德清望重於鄉里居官

有惠政河西士民懷之王進才剽掠新化過洋谿望其廬曰此鄒僉事宅也戒其部無敢譁而過者其威惠及人如此

蔡繼芳字竹屏益陽人由歲貢任壽州同知轉南雄通判採序一篇舊志繼芳父任滇南判官卒於任繼芳擗踊扶襯歸終喪遂

不復出居竹漪洞講學年八十終

陳尙伊字汝聘桂陽州人隆慶二年進士歷官江西左參政採文

四篇

湖南文徵

卷二

姓氏傳

充

一統志桂陽以十八灘險免漕運徵改折銀七百餘兩解德安倉萬歷十八年復改漢川南糧二千餘石官民苦之尙伊白於當路獲免解

會朝節字直卿臨武人萬歷五年進士一甲第三人授編修歷

侍講諭德進侍讀學士少詹事陞南禮部右侍郎掌翰林院歷

禮部尙書贈太子太保諡文恪沅湘集存詩八首今採文四篇

舊志朝節父銳充郡吏攜其子讀書公廨中郡守蔡汝柎晨

起問書聲呼試以菷大賞之目銳曰是子將大若門猶區區

逐刀筆邪銳遂延師以教年十七餽郡庠旋鄉舉及第嘗上

疏請肇修人紀甄兩端以用中爲民極上嘉納之充東宮侍

講每因事納誨。劾引曲喻。必歸於道。上眷注方殷。而朝節五疏乞歸。尋卒於京邸。年七十無子。以弟朝符之子廷棟嗣廕。上林監丞。朝節廉靜不苟。取家無餘貲。嘗捐建城北來雁塔。又置義田贍子。姓之不給者。耆舊傳公學初亦從王心齋。入以近裏著己爲功。困公車二十年始達。所著紫園草二十二卷。載明史藝文志。詩亦入明詩綜。

蔡承賚字傳巖。攸人。萬歷十三年歲貢。選浙江台州通判。探碑記一篇

攸志承賚負才宏博。四中副榜。萬歷甲午房考薦元主試。欲置第二固爭而罷。平生好周易。施粥施絮。歲出穀千石以貸。

湖南文徵

卷二

姓氏傳

三

不給。建隨緣橋爲賑濟之處。

周之龍字左卿。又字孺。東湘潭人。萬歷二十九年進士。由刑曹

累官工部虞衡司郎中。有熊南集。錄文十
六篇

案前明嘉靖萬歷閒。周氏六子並科第貴顯。今考志乘惟興

平知縣之禮布政使之屏苑馬寺少卿之翰瑞州知府之基

著錄。而之龍無聞。緣所著熊南集。佚不傳。無從得其事。迹

故付闕如。今稍得殘本。覈之則初官刑曹。勤求庶獄。著西曹

具草一卷。有升散出入馭下敬事恤獄五議。又議督獄切要

復要以督獄五言。曰恭寬信敏惠。謂坐旋馬之廳。入斗室之

窾。而不以斯五者。劾皇周浹於靈府。設誠致行於目前。而猥

談仁體奚爲。故於五者各賦七言律詩。書之壁間。以自警惕。如云。園司漫說微生事。夙夜冰兢甚刻閒。縱有賓朋來細論。敢銜樽酒效游山。只戒園中嚴柙兕。安知釜底察枯魚。簿書自矢甯躬倦。瓦狀何辜聽陸沈。寒衣飢食猶沿格。拔滯宣淹實好生。春意不緣幽谷減。秋波偏向覆盆明。皆可誦法。既匝月。遷工部虞衡司郎中。明年于役清江。專董舟師樓櫓之政。職兼津梁。得稽覈歲課之龍。謂百萬轉輪動關國計。纖豪膏血繫命蒼黔。復揭寬信敏恭四言。各繫以詩。以資策勵。如西曹時。又謂防河所以治漕。俗漕河說凡六千餘言。準酌古今利弊。釐然并及海運當復。宜由膠萊之麻灣海倉二口徑達

湖南文徵

卷二

姓氏傳

三

天津直沽可勝元人海運險遠言之鑿鑿有據見所著西曹具草亦載皇明經世文編中

案是書爲明人陳氏子龍徐氏孚遠同輯傳本甚少故皇朝

經世文編中未嘗援引此書而道光初勅行海運亦未嘗援引是說若先得是說則成法具在亦可稍免疑難辨駁之紛繁矣煌煌經世之文字內莫之傳邑里亦莫之見至靈蘊三百

餘年并其人姓氏亦歸泯沒不重可惜哉其與計部陳生淵論漕艘書稱拮据以來寬在權嚴在自急在官旗嚴在支放往例歲造二百餘船多亦不逾三百僕督造兩運成千四百餘艘復代計部造成河西務船三百小刻詳文可以覆按以此心血頓嘔頭顱盡白益其服官勤敏察事精覈長才碩畫無媿名臣乃以內顧多憂遽反初服未盡其用著述不知

梓於何時。今僅得四冊而無首尾。據其標籤有申部字。則十二冊而匹其八矣。就四冊中論事書牘。可採尙多。而編帙已成難於補入。又案李文莊騰芳祭周孺東先生文云。事先生三十年受恩最深。又云。孰謂先生言和行備。交滿天下。而猶有未全之毀。神清意鮮。萬應不乏。而年僅六十以止。諸語可見梗概。

蒲秉權字度之。號平若。永明人。萬歷四十一年進士。任建昌令。

陞吏科給事中。再起西甯兵備道。轉肅州副使。謝病卒。採疏二篇

永州志權令建昌。生聚教訓。宛若家人。父子士民。專祠尸祝。

舉卓異。居諫垣時。魏瑞有襲封之命。力請停止。言甚切至。復

湖南文徵

卷二

姓氏傳

三

劾吏繼偕貪位固寵。上怒。欲予廷杖。輔臣救得免。瑞敗始起。兵備副使。謝病卒於家。案所著碩藹園集。久佚。只縣志存疏二篇。及獲全集。殘本尙有可採。而茲編已成矣。其集詩多於文。沅湘集失採。未見其書也。

羅其綸字彝伯

沅湘集云以彝伯之字。宜作其倫。

一字洪山。別號凡谷。茶陵人。

萬歷四十三年舉人。授太康教諭。遷瓊州推官。累擢戶部郎中。

乞養歸。卒年八十四。有海上吟。北歸錄。未見。

沅湘集存詩一首。今採記一篇。

一統志其綸曾徵修熹宗實錄。黎人騷動十餘年。其綸單騎宣諭。殲其渠魁。入其地爲水會所。建置學宮。璽書褒獎。獻嶺

北獄釋冤繫八十三人。卒後笥篋蕭然。僅存餘橐。

徐興詩字克成平江人由選拔授鄆縣訓導

採議一篇

舊志興詩以德行文學稱於鄉教諸生務爲古學士風大變當路交薦之

賀嘉震字元壘益陽人歲貢

採序一篇

案嘉震才情富豔尤工偶儷之文豪宕詩酒與羅太史何省元齊名九試不遇以明經終見府志何省元名守初以萬歷四十三年領解羅太史名喻義鄉舉先何一科歷官禮侍三人同里爲文字密交皆刻有社稷而嘉震卒不遇省志亦未列其名

江禹疏字伯通桃源人國學生提學盈科子

採說序二篇

湖南文徵

卷二

姓氏傳

三

案龍太常膺漁仙雜著伯通與武陵龍膺建陵徐謙公安袁中道數覽桃花源之勝爲謙序桃花源紀游著膺灑公買山說文思古澹邑競傳之又案禹疏未列省志

郭都賢字天門號些庵益陽人父諱官開縣知縣都賢天啟二年進士授行人歷官驗封稽封司主事文選司員外郎出爲四川參議江西督學分守嶺北道巡撫江西歸隱於僧著述甚富

沅湘集存詩二百餘首今採小序十二傳一雜文二

耆舊傳先生博學強記工詩文書法瘦硬兼善繪事寫竹尤妙撫江時賊騎充斥左良玉屯兵九江先生惡其淫掠檄歸之而自募土兵爲戍語見明叟良玉傳會江撫易人遂棄官

入廬山尋北都陷已南都建閣部叟忠正公開闢揚州先生
分校會試所得士也薦授南京操江辭不受桂王立肇慶以
兵部尚書召而先生落髮爲僧矣先是洪承疇方革職先生
奏懇起用至是承疇入本朝經略西南以故舊謁先生於
山中餽以金不受奏攜其子監軍亦辭不允初披薙入浮邱
山號頑石茹苦行腳無定所依熊魚山開元尹洞庭民興於
嘉魚寓梅熟庵已流寓沔陽築補山堂前後十有九載歸結
草廬桃花江復以詩累客歿江陵承天寺其出處本末灼然
可攷者如此甯都魏叔子禧亦先生校士時所得士也有文
推重先生甚至見其集中王船山南窗漫記云丙戌屯兵

湖南文徵

卷二

姓氏傳

五

湖上未能前進一咫而賦斂之重十倍少司馬天門郭公都
賢詠雪詩云四望郊寒連島瘳一天白起柰蕭何督師間之
怒甚喉悍帥害之會潰敗不果公卒以文字取禍卒於江陵
倪文正公贈公詩云愛他風骨耐他羸善於言公者也

石萬程字仲升一字軫餘湘潭人天啟二年進士歷官戶部郎
中出爲徽州知府崇禎元年起用常州知府以病免辛未復起
杭州知府擢溫處副使乞病歸卒於塗採序一

湘潭舊志萬程知徽州值魏璫臺榷黃山開採萬程力爭不

得卽挂冠去遂致削奪明史主事呂下問治徽州吳養春獄株連者數百家萬程不能堪遂棄官

去李魯生反勅罷之常州有額稅約三千金故事沒於守吏以例告叱

之曰謂之稅不貢於朝卽還百姓何例爲海甯巨憝吳中彥
殺人論死屬猾吏暗投萬金萬程笑曰是故智也不伸法不
已嚴文申請按罪杭人爲梓卻金頌殛豕安民錄海寇張宏
銘沿海騷動聞萬程至開誠投款受降萬餘海上以甯嘗置
義田義穀以贍親族之不能婚葬者尤精內典著書惜多不
傳明亾百餘年三吳兩浙間有浮湘者猶問石氏清白斐子
孫今無恙乎可謂古之遺愛矣

文士昂字台仙攸人天啟二年進士授華陽知縣遷工科給事
中出爲威茂道陞雲南布政使晉太常寺卿

採疏一篇

舊志華陽地苦燥士昂教民築陂仵筒車轉水歲大熟河陝

湖南文徵

卷二

姓氏傳

三

大饑疏飭撫臣發賑無拘常例時邊警屢告力陳中官監軍
之弊不見用崇禎中假居鄉里臨藍賊起請建甌城張李之
亂士昂徃狂山谷卒能全節

周堪賡字仲馨一字元應甯鄉人天啟二年進士授永春知縣
行取陝西道御史歷太僕寺丞光祿少卿順天府尹擢工部右
侍郎晉戶部尚書有治河奏疏黃河紀五峯文集未見

沅湘集
存詩三

首今採文
二十篇

耆舊傳公倜儻多大略初官永春治行爲八閩冠歷臺諫直
督震中外尹順天時流賊方熾特擢工部右侍郎兼副都御
史往塞賊所洩河勞瘁萬狀卒真狂瀾還故道是時闖賊已

據荆北河南將由滎澤渡河長驅以公在汴乃從上游偷渡
窺潼關公間變嘔血數升急陳六大弊疏及阨宣雲關隘指
陳時病語甚激烈不報尚書命下連疏乞骸骨過畱都謁孝
陵痛哭歸里未一月而京師陷矣南都立仍起爲戶部尚書
公乃先密致函叟閣部奏誅馬阮行次吳城得報知不可乃
返變姓名轉側嶺表閩海閒既歸結庵邑西四十里之董家
郵焚香禮佛鄉人罕識其面國初經略洪承疇徇滇黔道
出瀉西命驛卒前導直造其廬請見公辭以疾不獲既見相
對而泣爲言地方疾苦甚悉洪感之疏免湖南荒糧百十餘
萬卒年六十三公治河諸疏其元孫碩勳守潮州刻行之年

湖南文徵

卷二

姓氏傳

美

月事蹟條繫甚悉明史未爲立傳僅見河渠志爲識其概如
此

米助國字民和號順齋辰谿人夔安令萬鍾子天啟四年鄉舉
聯捷進士授江西龍泉知縣調南昌擢福建道監察御史放歸
十餘載卒年六十七

採碑記
一篇

辰州志南昌賦煩重稱巖劇助國齋志理之平反大辟五六
人黔配十餘人息累年莫治之獄數十人屢璫魏忠賢方建
生祠撫按檄下助國堅執不可忠賢敗朝廷徵立祠罪江右
獨無擢御史出尚書畢自嚴給事章正宸於獄出巡宣大究
民利害及邊防守禦成七疏上之七日敵至掠野去遂落職

蓋王應熊中執也。先是上卜應熊相。正宸持不可。下獄。助國援之獲解。及正宸典試楚闈。間助國寓鄂。三竭誠而二謝之。甲申後。避亂東山。減飲食以自損。已而卒。

謝肇元字石駮。號康侯。湘潭人。天啟五年進士。除嘉定州知州。崇禎初。遷戶部郎。出爲克西副使。濟南參政。尋以按察使鎮潁壽。卒於官。年五十二。贈太僕寺卿。採序一篇

舊志肇元知嘉定。請裁溢額稅。著祥刑錄。息訟。孝廉李先聘以仇坐櫪爲雪。其誣復之分校。蜀闈典試。滇南皆稱得人。於濟南屢捍危城。平土寇。獻賊寇鳳潁。肇元單騎視師。守禦悉備。賊卻去。未幾復犯潁壽。乘陴戮力躬親。矢石。著守城機務。

湖南文徵

卷二

姓氏傳

三

要略郡邑獲安。朝議謂宣力巖疆。當時無出肇元右者。會關陝需才。將命肇元往。而已嬰疾。以丁丑正月卒於官所。

馮一第字根公。善化人。天啟七年舉人。殉難從祀忠烈祠。著述甚富。沅湘集存詩二十首。今採文二篇。

耆舊傳一第本姓熊。祖某贅於馮。遂冒其姓。自幼以詩文雄湖湘間。同湘潭郭幼隗交摯。同受知於蔡忠烈公。溪相推重。獻賊陷長沙。先生走湘鄉。將乞師。他所賊下。僞檄徵求甚急。先生佯書卻之。又佯自弔。文避亂改姓文。以自悼。賊檄再下。復繫其母與兄。招之不得已。就縛。反復誘降不屈。將斬之一老僧從。秀伏地哭。請免。乃斫其兩手置營中。一夕歿。母兄乃

獲免時年四十著有叟發二十卷代古詩一卷賁閣吟譜二卷學者私謚曰介烈埶見明史忠義傳案茲編有郭金臺纂傳

黃學謙字又謙一字天益善化人天啟闈拔貢中辛酉副榜生父洽萬歷癸未進士知太原南安二府有政聲學謙官韶州教授擢陝西興平知縣有紫巖集照杯亭遺草

沅湘集存詩八十一首今採文六篇

舊志學謙致仕歸里授業里士多出其門獻賦習以偽官逃之淡山壽九十餘卒耆舊傳先生著述甚富兼精書法晚病痺右手廢以左手佗小楷行草更適逸有致所著書目見吳綺園次所佗傳

湖南文徵

卷二

姓氏傳

天

陶汝鼐字仲調一字變友號密庵甯鄉人崇禎元年選貢六年舉於鄉兩中會試副榜官廣東教諭南渡後由翰林待詔改授兵部職方郎中五省監軍復授檢討旋歸薙髮滬山號忍頭陀有榮木堂集

沅湘集存詩一百六十首今錄文二十八篇

耆舊傳汝鼐少奇慧甫龔應童子試督學徐亮生驚喜得異才取冠湖南數郡崇禎中上幸太學廷臣請復高皇積分之法祭酒顧錫疇奏先生文甚佳特賜第一詔題名勒石以五品官秩畱監肄業詩文書法名動海內有楚陶三絕之目著有廣西涯樂府噯古集寄雲橋集榻玉堂集全集刊本些翁序之朱竹垞明詩綜詩話先生壯歲好游自吳入越與先

人訂僑札之分。畱橋李度歲。晚際化離出監軍事。捍禦鄉邦。著力暨章堵。兩公盡瘁略同。讀哀湖南賦。悽戾過於蘭成矣。案哀湖南賦。今榮木堂集未載。故失於編錄。

米元侗字吉人。肇頤子。崇禎七年舉人。沅湘集存詩十三首。今探文五篇。

辰州志元侗好爲詩古文詞。有羅峯文集三卷。詩集十卷。詩餘二卷。晚年悉棄去。究心性學。嘗曰。學不見性。其學誣矣。人不見性。其人虛矣。箸性辨一篇。學者稱羅峯先生。

江有溶字匯伯。一字谷尙。長沙人。崇禎八年拔貢。十五年順天副榜。授推官。不就。有勿躁齋集。未見。探文二篇。

湖廣通志云。有溶值獻賊之亂。絕意仕進。授徒里中。專意著述。尤工於詩。縣故無志。知縣胡壯生屬有溶。勸之。遂爲成書。者舊傳云。谷尙入國朝。爲湘鄉教諭。晚忽薙髮。爲本易和尙。觀其詩語。多悽惋。知一官去就。殆非得已。案舊志無湘鄉教諭之文。未知者舊集所本。今仍列入明代。

湖南文徵

卷二

姓氏傳

无

關士琦字楬。桃源人。崇禎七年進士官南安知縣。數月以內艱歸。遂絕意仕進。南渡後授編修。不出卒。沅湘集存詩十首。今探文十一篇。者舊傳楬公有螭蜺館文。蝌蚪詩餘。仙草闕也。草郎當草等集。在當時有盛名。

劉培泰字篤生。湘潭人。崇禎三年舉人。探傳一篇。

案縣志有培泰記文一篇。以中多譌字。未錄。

謝錫賢字德光號愚齋新甯人崇禎十年進士官海鹽知縣有

杭游草未見沉湘集存詩一首今採記一篇

耆舊傳愚齋鄉試之年為天啟甲子嘗以策語忤璫停科其

風概可想

羅其鼎字巨臣桃源人崇禎十三年進士官行人有月江仙掌

草等集未見沉湘集存詩六首今採序書二篇

耆舊傳巨臣性篤孝母喪值鄉試不預含斂終身不食甘衣

帛初試舉人時不為學使者所錄唐餉部暉杜方伯詩聞其

名薦之入闈號舍滿巨臣伏地終卷遂中式唐杜二公為序

其事鼎革後隱居不出居鄉歲荒募粟施粥全活甚眾卒門

湖南文徵 卷二 姓氏傳 三

人私諡貞易先生

陳純德字靜生號澹元零陵人崇禎十三年進士授福建道御

史巡按山西還朝督畿輔學殉難京城贈太僕寺卿諡恭節

國朝加諡忠潔採公牘二篇

明史時帝銳意求治召諸進士咨以時事純德奏對稱自立

擢御史巡按山西七月部內嚴霜民凍餒純德上疏請卹因

陳抽練之弊帝不能用還朝督畿輔學政將出按部都城陷

賊下令百官入見眾攝純德入還邸痛哭遂自經京山人秦

嘉系買地葬之永定門外立石表墓焉永州志公巡撫山西

值賊警河上與巡按蔡懋德協力戰守賊乃卻督學順天方

攷易州間都城警戎裝入援未幾都城陷得帝凶聞走諭德馬世奇寓相持痛哭遂佯書令家僮持報二親家僮泣沮公不顧執筆佯蠅頭小楷書畢投繯神色安定如平時年五十有一案將出按部與間警入援不同當時別有記載與志合或史所傳間未確也

劉象賢字若啟湘鄉人崇禎十五年舉人

沅湘集存詩六首今採記一篇

舊志鼎革後隱居溪山著書以終與船山先生交好詩格高老可匹敵澹濤園諸佗惜不見全集

唐訪字周之號汲庵武陵人戶部侍郎紹堯次子崇禎十五年

以桂林籍舉鄉試第一有寂堂集

沅湘集存詩十四首今採文四篇

湖南文徵

卷二

姓氏傳

三

舊志訪寄籍廣西巡按黃錫衮吏部瞿式耜見其五策歎爲奇才特疏入告授庶吉士知制誥備顧問上六代中興法戒奉命歸楚聯絡勳鎮何騰蛟等值父喪遂痛哭祝髮以終

耆舊傳唐氏一門忠義汲庵知時不可爲茹痛祝髮築倉苦

庵以終於諸唐中尤爲奇偉詩亦嶽寄歷落不可繩以常格訪父紹堯字二華天啟壬戌進士知高陽縣禁祀魏忠賢生

祠中官爭產相屠籍其貲充餉忠賢積憾逮下獄擄掠幾斃

崇禎初起用子諡年十四侍父難中人稱孝子桂王時奉母

保辰龍關鎮將馬蛟麟襲報殺之其弟誠癸未進士官少詹

募兵勤王復榔沅等州駐桂林晉文淵閣大學士命督五省

義師及辰常陷諠。歿母被繫。遂上印綬。自囚贖母。兵主禮之。請歿不屈。併繫之。諠誠皆訪。兄所謂一門忠義也。

鄒統魯字大系。鄱籍。衡陽人。崇禎八年拔貢。廷試第一。壬午舉

人。沅湘集存詩十三首。今採文二篇。

者舊傳統魯一字近野。號良崖。獻賊陷衡州。迫紳士受僞職。先生之父承芬飭之曰。百口小計。巨。袁閔土室黃巾不入。勿我憂。勉爲秦庭之哭可。巨。乃單騎。亾之粵。上書總督沈猶龍。謂係粵。莫如保楚。猶龍疑之。適羅定牧包爾庚在坐。曰。此楚奇士。尙氣節。負經濟才。在南雍同研席。知之最悉。乃從其請。卒導總兵宋紀出楚疆。復榔衡各郡。桂王稱號。授中書舍人。

湖南文徵

卷二

姓氏傳

三

後隱居祁邵山中所在常載書籠數十以從。舊志云以親喪還里。子孫皆以孝友文章克紹世德。

潘應斗字章辰武岡人。崇禎十六年進士。累官太常寺卿。有允

孚堂詩文集未見。沅湘集存詩十七首。今採記二篇。

舊志應斗舉進士。擬館選。值國變。倉皇南奔。上書言時政。言甚激切。爲時相馬阮所抑。授萬州知州。桂王時。累遷卿寺。會劉承允劫遷王於武岡。應斗乃告終。養歸。敝衣垢履。灌園自給。者舊傳先生性剛介。簡澹好讀書。與弟應星友愛最篤。誅茅威谿之麓。日相倡和。饗爨不給晏如也。

王夫之字而農。號薑齋。衡陽人。崇禎十五年舉人。沅湘集存詩二百十九首。

舊志夫之以文章志節重於時。精研六經。尤神契橫渠正蒙之說。桂藩在肇慶。瞿式耜薦爲行人。旋以母病歸。國朝康熙閒。吳逆踞衡湘。夫之逃入溪山。吳逆平。巡撫魏粟帛請見夫之。病辭帛受粟。未幾卒。子攸。攸皆績學有文名。耆舊傳先生與兄介之同舉於鄉。張獻忠以僞命污諸名士。先生走匿雙髻峯下。賊繫其父以質。先生引刀刺其肢體昇往易父。賊見其徧創也。免之。父子俱得脫。南渡後。走桂林。依瞿忠宣薦授行人司行人。崎嶇楚粵。滇黔閒備歷艱險。後以母病閒道歸。遂不復出。緬甸旣覆。沒益自韜晦。嘗匿常甯猺峒。變姓

湖南文徵

卷二

姓氏傳

三

名爲猺人。已築土室於石船山。名曰觀生居。敗葉廬。又曰湘西草堂。杜門著書。其學深博無涯涘。原本淵源。尤在正蒙注。一書往復辨論。所以歸咎於上蔡象山姚江者甚峻。所著書七十餘種。四庫全書著錄者六種。存目二種。國史儒林有專傳。案船山遺書道光末經湘潭王氏刊行若干種。旋燬於兵。近年湘鄉曾氏重刊增若干種。所遺不多矣。

何文照字三台桂陽州人。歲貢生。授桃源訓導。

採傳一篇

州志崇禎中臨武賊劉新宇犯州。文照佐知州陳佳士籌策守禦。援兵繼至。圍乃解。後巡撫陳睿謨督兵進剿。賊恃險負固。官兵未諳路徑。文照參謀行閒。指畫地形。兵不失利。論功

當官會提學按試遂以廩生膺歲貢授官

夏九賡字虞颺桂陽州人崇禎初由恩貢知羅平州遷知南陽

府致仕採論一篇

唐之正字先誠號廢庵沅陵人御史愈賢之子歲貢生沅湘集採詩四

首今採記二小序諸篇

辰州志之正善詩文讀書營盤山中結雲在亭以自怡桃源

闕士琦每過訪之為序其橐崇禎末父母妻子俱沒於賊子

身寓北浴孤苦之感淒涼之思特發於詩歌甲申後盡去其

髮如僧獨與沈汝霖游所箸枯筇集負暄集雲在亭集俱已

鄉人憐之為築室山頂曰南憩堂以終

湖南文徵 卷二 姓氏傳

瞿龍躍字天門武陵人崇禎中拔貢沅湘集採詩三首今採記一篇

省志龍躍性傲岸徧歷名山大川所至有題詠有司欲官之

以計謝絕堅臥山中不復出耆舊傳鼎革後常出已不歸

題詠自鐫石壁納橐瓢中自號一杓行脚道人詩有奇氣多

棘塞之句案省志稱貢生次在萬歷中耆舊傳云崇禎拔

貢當必有據且云鼎革後出已則宜在崇禎時矣

米肇頤字觀甫助國次子崇禎末歲貢官銅仁知府擢安順道

採記一篇

辰州志肇頤官銅仁遭流寇攻城城中兵不及千人賊兵數

萬肇頤身先士卒斬殺無算賊敗走不復敢近以功遷擢自

以家世祿仕欲盡瘁報國而事卒不可爲遂掛冠歸

米肇灝字梁若一字大程助國第三子崇禎末歲貢

沅湘集存詩一首採

狀一篇

辰州志肇灝生當萬曆時承祖父科甲之後攻苦欲繼先業有爲於天下遭時不偶遷居城東五十里之椒谿蔬食菜羹行吟不輟米氏能詩者多自灝發之逮老與兄肇頤潘亮淵趙謙相過從所著有踞松吟年七十餘卒

潘亮淵字敬公號月山沅陵人諸生著有月山堂集未見

採序一篇

辰州志亮淵生於萬曆丁巳年十八爲諸生得唐九官爲師揆討淵窾兄弟二人其季幼爲兵擄亮淵訪於蜀得之年四

湖南文徵

卷二

姓氏傳

三

十七矣乃娶妻產子亮淵亦至四十後始產子先居黔陽後移居舒谿年八十居潘谿九十有一而終

吳道行字見可善化人諸生著有嶠山集易說讀史闕疑嶽麓

志諸書未見

採記序二小序諸篇

耆舊傳道行方七歲聞長老談嶽麓先賢講學便肅然傾聽稍長爲諸生有聲張陽和元忬主講嶽麓時從之游陳發良知孝弟之旨時新建惜陰書院當事聘爲山長人稱嶠山先生獻賊犯長沙先生遁之萬山中甲申國變鬱鬱不自得一日趨吉藩故邸望闕痛哭展拜輿歸山中不食卒

吳榆字去佛所居在城南古渡故號古渡善化人道行子崇禎

未歲貢。著有春雪堂參配樓諸集。未見。

採賊一篇

耆舊傳。愉與弟愷俱以文行顯。獻賊陷長沙。匿巖谷中。免乙酉。闖賊餘黨犯瀏陽。長沙通守周公二南率眾禦。去拂以參謀。從行與賊戰於官渡。被繫不屈。死。附祀二忠祠。

吳愷字去慵。號損庵。道行季子。縣學生。著有古今日錄。擬古樂府三異筆餘存園應草。素履草。停雲錄。懷霜錄。諸書。採小引二

耆舊傳。愷與兄愉齊名。明季以明經薦。未就。鼎革後。棄諸生。率妻子躬耕長松里。屢聘不起。高彙旃學使所云。其志矯然。不愧謝皋羽。黃東發一流者也。

邱式耔字祁年。黔陽人。諸生。採祭文一

湖南文徵

卷二

姓氏傳

美

耆舊傳。式耔沅人所稱。月沛園主人。玉瑯隱君之子也。抱負奇偉。獻賊陷常德。辰州震恐。式耔聚族而謀。辰之豪傑倡義。眾眾守禦。賊卒不敢窺。辰沅以西。式耔之力爲多。鼎革後。湖南諸郡尙未內附。桂藩稱號於粵。式耔徒步行在上。書授翰林院待詔。持節招諸賊。會李閣部若符。駐黔陽。式耔檄下黔陽。褒衣大帶見。本朝總鎮徐某。長指語國事。徐怒。其不遜。繫送武昌。俄大兵取黔陽。閣部不屈死。并以式耔事上聞。

世祖命宥之。而式耔不欲以一息偷生爲文自祭。竟置重典。旨下已無及矣。事詳武陵楊農峻所佗傳。茶陵布

衣譚雅岑止弔邱祈年秀才詩曰。三百年來蒼土優得君。羣

布少相酬。捐軀東海。羞秦帝全髮。南冠殉楚囚。血化漢江千頃碧。氣蒸夢澤一天秋。遺骸應伴禰衡豕。萬古同香鸚鵡洲。
周聖楷字伯孔。湘潭人。貢生。著有湖嶽堂集。沅湘集存詩六十首。今採論序賦諸篇。

湖潭舊志。聖楷弱冠游京師。與竟陵鍾伯敬惺善。見有一夕爲竹枝詞三十首者。少之。鍾曰。能過此乎。周曰。兒女子語耳。何足煩長者。乃扁巨翦燈漏三下。得詩百首。示鍾。皆穎脫妙麗。明日百詩滿都中。久之。伯敬趣令南還。就舉子業。乃繩經切傳出入諸大家。恥與時流競。以是沈頓者十餘年。將四十築湖嶽堂於邑之東。偏而讀書。帆園接待天下名流。敘說古

湖南文徵

卷二

姓氏傳

三

今傳人勝事。論詩學興衰。老師宿儒。無敢抵牾者。聖楷才激宕而性專穆。掩關展卷。含豪凝視。闐然如靜女枯禪。所纂著楚寶凡四十五卷。爲備楚事也。著生氣錄。集明三百年舉子業。因文以徵其行也。著湘水元夷。爲晰湘江也。著中庸贊。爲闡學也。晚梓湖嶽堂全集。其書皆已付梓。兵燹後。惟楚寶存餘俱散佚。案此傳。乃康熙初郭遺民金臺屬橐。去伯孔之沒纔二三十年。無貶辭也。後乾隆中劉太史得池北偶談。而大聲疾呼。辨之。及道光末鄧氏沅湘耆舊集中。又辨之。後得同邑陳長瑞。湮民輓周伯孔師之詩。引云。先生棄家入嶽賊。必欲得之。移文將族其家。始以病見。以此歎才士處亂世。眇

能自全。然其詩云：儒冠不諒生，辭漢碧血堪憐。夜化燐語不驚人禍，不烈千秋正氣只孤臣。則知其死賊之實，未嘗謂其失節也。自康熙初，縣志、泉、乾隆初府志、省志皆入人物列傳。至嘉慶末，續修省志，則據池北偶談、常德府志以爲鐵案，而削其名。不知皆道聽塗說，竝無實據。卽孤兒顓天錄中小注內亦載有僞守掘墓之說。然獻賊陷常時，楊公子未必親見其事。其書佯於康熙初殆亦得於傳聞也。近得周少宰系英筆記云：聞諸先世長老言，獻賊索名士，佯禱辭，掠伯孔置幕下。明晨祭江，索文甚急。先生兩手持空紙，宣讀語多醜詆。賊覺怒而殺之。家乘所載亦同。案此與陳詩碧血化燐之說

湖南文徵

卷二

姓氏傳

三

相合

郭金臺字幼隗，湘潭人。本姓陳氏，年十二遭家難，匿中表郭氏，遂冒郭姓。崇禎己卯壬辰兩中副榜。隆武稱號登鄉舉，著有石邨詩文集。沅湘集存詩五十五首，今錄文二十四篇。

舊志：金臺生而狀貌奇偉，見者咸目爲異人。弱冠有聲黌序，居家孝友，淵默至懷，慨談天下事，議論風生。諸監司郡守旌幣踵至，吉藩延致邸館置醴賦詩，會舉行積分法，朝士屢以名薦不起。例授官亦不就。隆武南渡，督師何騰蛟巡撫堵允錫先後論薦授職方郎中，再起監司僉事，皆以母老辭。是時獻賊旣陷湖湘，闖賊潰卒復蹂躪縣百里，無人煙，乃請於督

師令偏裨團練鄉勇爲守禦全活者以萬計晚歸隱衡山著書授徒絕口不談世事惟論當時殉難諸人輒歔歔流涕及卒自題其阡曰遺民郭金臺之墓者舊傳先生有石邨詩文集代古詩旅園舊詩行吟草遇嶽堂諸集代古詩六卷見傳是樓書目詩仿古樂府體與根公佺同授梓諸詩體擅騷雅義兼正變蓋遭遇壞坎家國之際有難以顯言者奇情偉抱一於詩洩之我朝陳恪勤文章經濟一代名臣於先生爲冢孫蓋其貽謀遠矣案幼隗初撫從弟元鼎之子式穀爲嗣亦沿郭姓後得子式典而式穀仍爲元鼎子復陳姓卽恪勤父也

湖南文徵

卷二

姓氏傳

五

謝璜字仲玉號蟠谿湘潭人歲貢生有此園益楚燹餘諸集沅湘集存詩一首今採序一篇

謝璠字孺玉號雲麓又號洞初湘潭人崇禎三年舉人採傳一篇

案璜璠皆萬曆己酉舉人衢州同知所舉之子若順治六年殉城之謝璠亦崇禎九年舉人當於璜璠爲從舅弟也

周星字景虞一字九煙湘潭人崇禎十三年進士除戶科給事中不就沅湘集存詩十三首今錄文十六篇有詩文集

者舊傳景虞父逢泰官江南生星於金陵爲上元黃氏所養遂冒其姓或曰日本上元人育於湘潭周氏疑不能明也生有異稟六歲能文七歲工書十二歲入南監積分登鄉舉成進

士會上書復姓歸湘潭葬父畢復反上元晚寓湖州醉沈南
潯河而歿所著書多散佚惟所選唐詩悋尙存近昭代叢書
中猶見一二種詩文奇偉慷慨激昂略似其人朱竹垞靜
志居詩話九煙晚變名曰黃人字曰略似又號圃庵又曰笑
蒼道人布衣素冠寒暑不易人有一言不合輒慢罵嘗賦詩
云高山流水詩千軸明月清風酒一船借問阿誰能伴美
人才子與神仙年七十餘感愴於懷仰天歎曰嘻而今不可
以歿乎自撰墓志佗解脫吟十二章與妻孥訣取酒縱飲盡
一斗大醉自沈於水時五月五日也案九煙集經族裔詒
樸子堅重刻於揚州後本邑又有重刻本其八九歲所刻小

湖南文徵 卷二 姓氏傳 早

楷各種後有董尙書其昌跋尾者今摹入昭潭法帖中矣

車以遵字孝則徙字孝思號劬園邵陽人參議大任子有高霞

堂集未見 沅湘集存詩七十五
首今採文三十八篇

省志以遵貢生工詩與湘潭周聖楷竟陵譚元春嘉魚任宏

震名相埒凡三修府縣志卒年八十有三子萬合舉天啟辛

酉鄉試第一者舊傳孝思有異才屢躋場屋崇禎中餼滿

當貢執政以其名應薦辟不出嘗取諸史論著將獻諸朝書

未成而國變遠引矰繳之外以布衣終先生交最廣負名甚

重明季言詩者必歸鍾譚先生初與之抗繼乃迥出其上高

霞堂集譚友夏陶密庵王山長諸君均有序案是編有陶

序竝唐懋載跋其集已經六刻而今無存矣

楊山松字長蒼一字龍髯別號忍古頭陀武陵人太傅嗣昌長子以祖廕襲錦衣衛指揮軍監紀同知

沅湘集存詩十四首今採序例若干篇

湖廣通志山松才略明敏從父嗣昌督師贊畫軍務每至達旦嗣昌卒山松哀毀幾不得生而廷臣摭嗣昌病國事章疏相繼山松佗孤兒顓天錄上之事多得雪者舊傳長蒼幼在軍中有楊家小飛將之號入國朝撰孤兒顓天錄雪父冤購求祖父文集哀錄不遺餘力吳逆之變欲訪求楊氏子孫授偽職乃遁之江南得免案孤兒顓天錄久佚故者舊傳注云徧訪不得汝懷近得之長沙彭氏家擬集合羣書爲

湖南文徵

卷二

姓氏傳

望

楊武陵事實考惟長蒼之弟山梓仲丹所佗辨謗錄不可得見錄爲華容嚴首昇平子有上某相公書而佗也

程本字子源一字或委號權齋華容人有柿葉園集未見

沅湘集存

詩六十八首
今採小序

耆舊傳權齋事蹟無可考楚風補稱爲華容明經檢通志岳州志選舉門竝不載華容志僅云其性好潔雖在逆旅地絕纖埃門無襍賓與嚴瀨園交嚴詩以清悵勝程詩以蒼鬱勝今以兩家詩較之嚴非程匹遠矣

嚴首昇字平子一名頤字解人華容人諸生

省志佗歲貢

有瀨園集

沅湘集存詩二十一

首今錄文四十四篇

舊志首昇刻意詩古文辭下筆灑灑數千言能於諸名家外
自出新義遠近無不推重之者舊傳平子嘗自名其居曰
岸上船衲衣髡頂督學郤凌玉呼就試不應與同邑孫穀兄
弟佗漢唐宋三代史書不傳

孫穀字子雙華容人給事中羽侯子有盤譜藜牀諸集未見沅

集存詩一首
今採文二篇

舊志孫羽侯傳均載諸子穀字子嗇萬歷丁未進士累官副

都御史巡撫遼東穀愨並有文名者舊傳子雙嘗襍採舊

文分爲四部名古微書又著唐紀七十卷以新舊唐書踏駁

多其所指摘皆當體例今僅存刪微一種凡三十六卷孫氏

湖南文徵

卷二

姓氏傳

望

世以學行師表湖湘間其所著錄見明史藝文志傳是樓書
目四庫全書目錄不一而足今問之鄉人無能舉其目者
矣

陳所聞字印水茶陵人崇禎間拔貢官崇陽知縣升署固原州

國變罷甲申後起知江夏縣行取御史有集未見沅湘集存詩
一首今採小

序

舊志固原近邊又爲巡撫駐節地號稱難治所聞緝強綏弱

兵民安堵者舊傳戊己以後天下大定棄官歸隱山居二

十年不與人事接

夏汝弼字叔直號蓮峯一號蓮冠道人衡陽人諸生沅湘集存
詩一首今

湘鄉舊志流寓類稱汝弼蚤有文譽舉於鄉丁亥歲湘衡亂
潰忽有稱蓮冠道人者攜一童子囊琴至梓田之車駕山敝
僧樓而止焉日就古木鳴泉閒藉危石以彈琴吟嘯以終日
已登白石峯銅梁觀瀑布輒數日不返問其姓字不對邑士
蕭常賡見而識之邀至家或歌或哭與語世事則閉目兀坐
不答居月餘辭去後聞其在九疑山絕食以歿案衡陽舊
志稱汝弼少倣負勁氣爲名諸生未嘗言其鄉舉湘鄉志
或傳聞之譌

龍孔然字簡卿湘鄉人

沅湘集存詩二首
今採傳序記三篇

湖南文徵

卷二

姓氏傳

聖

者舊傳孔然兄弟自相師友明末領鄉薦旋棄去鼎革後聞
門授徒經略洪公欲延之幕府不就與彭禹峯副使而述論
詩甚洽湘人傳有拯湘錄墮糧逸案皆其所手纂也年九十
二始卒孔然鄉薦不見紀載惟其弟孔蒸字季霞崇禎十五
年舉人流寇欲授以僞職誓歿不屈尋扶母避寇山中卒及
於難見一統志船山南窗漫紀云季霞欲與湖上俗者矯竟
陵纖弱之習追輓大雅有志無時與洪伯修業嘉同時遇害
悲夫又稱伯修與季霞以吟詠相尙擺脫凡近非經生心腎
中所能有船山之推挹如此而楚風補中存詩僅一二首文

夏不得隻字良可浩歎

龍吟字非馨湘鄉人崇禎朝以貢生中副榜官湘潭甯鄉教諭

有瞻雲館豪

沅湘集存詩一首今採講一篇

耆舊傳引湘鄉志稱其詩文典麗有西涯龍湖之遺

鄧祥麟字玉書一字子與號鹿崖武岡人一佗新甯人官岷藩

長史或曰官審理

沅湘集存詩七首今採小序

耆舊傳子與工詩善畫書法絕類二王鼎革後結廬新甯之

石田鷺峯山下日夕吟詠其中弟祥鳳字子威亦善畫能詩

案祥麟兄弟舊志不載蓋其蹟甚晦故無知之者自新化

歐陽氏紹洛於新甯獅蹲閣見其輓一念和尚詩手蹟鄧氏

顯鶴往求得之衰池成軸徧索海內名流題跋如善化唐方

湖南文徵

卷二

姓氏傳

器

伯仲冕歛程侍郎恩澤等均載沅湘詩集中者凡十五六家

又揆其餘詩編入集中其姓名始顯於世故亟錄其吉光片

羽云

簡而廉邵陽人舉孝行貢太學授監利訓導以母老歸養

採說一傳

滿能施麻陽人朝薦子崇禎十七年歲貢

採文一篇

案舊志朝薦因忤梁永下詔獄能施年十五詣闕上疏請代

後以大學士葉向高疏赦釋歸武陵楊鶴送朝薦詩云黃童

今古歎無雙謂能施也

杜維耀字汝晦桃源人

採文一篇

邢祚允桃源人

採文五篇

桃源志祚允博學工文明季高蹈不仕與闕褐公魯一男爲
煙霞之交著有桃源拾遺

田英產麻陽人崇禎中諸生

採文一篇

羅時昇武陵人崇禎中歲貢官浪穹縣知縣

採文一篇

案佗者所爲傳司馬佗霖傳稱督師何騰蛟收兵星沙制使
堵允錫建旗召募余兩人定計從之晨征則談兵馬上夕偃
則畫計帳中余畱幕先生奉使云云畱幕者堵允錫公之幕
奉使者往迎隆武至楚也一篇中情事歷歷固亦當時豪傑
之士而方志未爲記載亦未坵入佗霖傳中明叟則佗霖坵

湖南文徵

卷二

姓氏傳

望

見騰蛟傳百

李晉興臨武人官辰州府教授

採文一篇

潘應星字夢白應斗弟南渡後以恩貢官禮部主事

沅湘集存詩五首今

採賦一篇

著舊傳應星性孝友父病篤刲股和藥進創重幾危嗜學強
記晚年益耽禪悅兄弟皆隱與車孝思王稚潛輩友善皆前
明遺老也名所居曰儔影堂佗賦以見志

